

www.lillas.com/vb3  
شهر الليالي :: ليليات ::


# مهرجان الفراعنة



الأعمال  
الإبداعية

على سائلم

## البيترزول طالع فكي بيتنا



الهيئة  
المصرية  
العامة  
للكتاب

# البتروول طلع فى بيتنا

على بسالم

## ● الفصل الأول

المكان : فيلا عبد الحق ، مدينة القضاة ،  
حي الهندسين .

الزمان : الخريف .

( أهم ما يميز الفيلا هو مدخلها التسع الأنيق  
المؤث في بساطة بحيث يصلح مكانا لعمل المهندس جميل  
عبد الحق ، كما يصلح ايضاً لاستقبال زواره .. شرفة متسعة  
في الخلفية ترى من خلالها أشجار الحديقة . باب الفيلا في  
الظلية في مواجهة التفرج . سلم يقضي الى الدور العلوى .  
يفتح باب الفيلا ويخزن جميل عبد الحق ، في حوالى  
الأربعين من عمره . يطلق الباب خلفه ) .

صوت رئيسة : لقيت ايه يا جميل ؟

جميل : من عندنا .. مش من بره الفيلا .  
( يتنفر عتق ثم يقول بهمس كأنه يكلم نفسه ) .

جميل : الريحه جاية من هنا ..

( سجة للوحة التصميمات محددا في الرسوم ، رئيسة  
قادمة من الدور العلوى مرتدية روبا بسيطا وقد لمت شعرها  
في نطاء رأس بسيط ) .

**جميل** : ناموا .. ؟

**رئيسة** : ناموا .. قبل ما يخلصوا الواجب .. الواجبات  
كثير جدا والعيال مرهقين ..

**جميل** : انت ساكدة ان الفاز ما يسربش .. ؟

**رئيسة** : روح اتأكد بنفسك ..

**جميل** : فد ريحة عربية في الفيلا يا رئيسة ..

**رئيسة** : ريحة ايه بالطيط .. ؟

**جميل** : ما عرفش .. جاز .. زفت .. سولار .. زيت  
محروق .. حاجة زي كده ..

**رئيسة** : ( تشتم ) .. صح .. ده من الفيلا اللي جنبنا ..  
بيقلوا سمك بايظ في زيت فاسد .. في مقلاية  
نحاس مجنزر .. ( تواصل الابتساق ) ..  
وسلاطة طحينة حامضة ..

**جميل** : الريحة دي انا شاممها من ابام يا رئيسة ..  
عاوزه تفهميني انهم بيقلوا سمك من الجمعة اللي  
فانت .. ( وكأنه يطارد الرائحة بانفيسه ) ..  
ده جاز ..

**رئيسة** : يبقى هم برضه .. ساعات يطبخوا على وابور  
الجار .. مصر اتغيرت في الخمس سنين اللي فانت  
يا جميل .. انت كنت بره .. ما تعرفش التطورات

اللى حصلت .. فيه ناس هم اشترت الفلل اللي  
حوالينا .. انت متصور انا لسه في مدينة  
القضاة .. احنا في مدينة الحرامية دلوقت ..

**جميل** : ( ما زال يحاول التعرف على نوعية الرائحة ) ..  
سولار ..

**رئيسة** : متهيا لي الخمس سنين اللي قعدتهم بره لسه  
لازقين في مناخيرك ..

**جميل** : هو انت يا رئيسة حانقعدى تانبيني كل شوية .. !  
هو انا كنت فاسد في باريس .. ؟ .. ما انا  
كنت مرمي في الصحرا .. وكنت يا جيلكم كل ست  
شهور ..

**رئيسة** : يتجى ضيف .. والحمل كله على ..

**جميل** : يا حبيبتى انا عارف انك راجل ..

**رئيسة** : ( باستنكار ) . انا ايه ؟

**جميل** : مش قصدي والله .. قصدي انك ست راجل ..  
يعتمد عليك ..

**رئيسة** : آه .. بس الست الراجل دي .. بصراحة ربنا ،  
بدات تتعب ..

**جميل** : اللي حصل يا رئيسة ، كان لازم يحصل ، كنت  
عاوزاني اعمل ايه .. اشحت ؟ .. انا شخصا  
ما عنديش مانع اني اشحت ، مش دي المشكلة ،  
المشكلة اني مش حلاقى حد اشحت منه ..  
( بتشتم الرائحة ) .. فيه حل تاني .. اسرق ..

**رئيسة** : اعوذ بالله ..

**جميل** : برضه ماعنديش مانع .. بس اسرق مين واسرق ايه ؟ .. كل الحنت اللي تنفع تشرق محجوزة .. كومبليه .. اتحداك تلاقى مكان ينفع يترق .. وانا شخصيا مستعد ادفع فيه اى خلو ..

**رئيسة** : وعلى ايه .. ربنا يفتيها بالحلال . وبيارك لنا فى الملايم اللي عندنا .. هو احنا كنا بنقطع المنوار ده كله بشرقنا ، عشان نبقى حرامية فى الآخر .. ربنا يجعلها بالصحة والستر .. وبيارك لنا فى عيالنا ..

**جميل** : ونعم بالله . روحى انت نامى .. شكك تعبان قوى ..

**رئيسة** : تصبح على خير ..

**جميل** : وانت من اهله يا حبيبتى ..

( تكلمت وهي تحرق حياطة السلم ، غتت اليه ولانها ظفرت شيئا ) .

**رئيسة** : عندك وقت تجيب عادل بكره من عند مدرس الرياضة ؟

**جميل** : الساعة كام .. ؟

**رئيسة** : اربعة ..

**جميل** : حاضر ..

**رئيسة** : والا تحب تودى احسان درس العربى الساعة واحدة .. وانا اجيب عادل . ؟

**جميل** : هو كرم ما عندوش درس بكره ؟

**رئيسة** : عنده انجليزى الساعة اربعة ونص .. فاذا كنت حاتجيب عادل ، يبقى خد كرم معاك .. وانت راجع تجيب احسان من عند مدرسة الفرساوى ..

**جميل** : ( يتشمم الرائحة ) زقت .. زقت مسيح .. اكيد حد بيغلى زقت فى مكان قريب .. ( باستسلام ) .. رئيسة اعطى لى خطة عمل ، وارسمى لى خط السر ، والاماكن والمواعيد .. وانا خالترم بيها ..

**رئيسة** : والا تحب تستنى هنا لحد ما يجى السباك وتقف معاه وهو بيشتغل ..

**جميل** : هو مش خلص امبارح .. ؟

**رئيسة** : ده واحد تانى .. بتاع امبارح بوظ كل حاجة .. ما عادش حد فاهم فى شغله يا جميل ..

**جميل** : ( يشم الرائحة ) قطران .. اكيد ده قطران .. حايجى امتى ؟

**رئيسة** : بكره .. امتى ؟ .. ما حددش ..

**جميل** : آه .. يعنى اتربط انا هنا ليل ونهار لحد ما سعادته يجى ..

**رئيسة** : بلاش .. تكفل انت بمشاوير العيال والدروس .. وانا استناه .. قلت ايه ؟

**جميل** : قلت الصباح رباع .. كل اللي انا عاوزه .. وكل مطلبى فى الحياة .. انى اخلص اللوحة دى ..

**رئيسة :** ربنا يقويك . تصبح على خير ..

**جميل :** وانت من اهله يا حبيبتى ..

( في ضيق وحيرة يتشمم هواه الفرفة ، رئيسة ،  
نواصل صعودها وتختفي في الدور العلوى . يستلفت نظره  
شيء في أحد الجدران ، يقترب منه ، يتفحصه بدقة ، يضع  
اصبعه عليه ، يشم اصبعه ، يبدو عليه انه تعرف على نوعية  
ومصدر الرائحة ، ياتى بقطعة فظن من مكان ما ، يمررها على  
الحائط يسمها في اهتمام وتركيز .. ياتى بقطعة فظن اخرى  
ويبربها على حائط آخر ، يتسارع حركته وهو يكرر العملية ،  
يقف عاجزا في ضياع . بصك بسماعة النليفون ، يحاول  
ان يدفع بقدر من الثبات والهدوء في صوته ، بطلب ربما ) .

**جميل :** أنا جميل يا ابراهيم .. ما تتخضش .. أنا عاوزك

دلوقت .. خير .. خير انشاء الله .. بس أنا  
عاوزك فورا .. معلش ، البس روب فوق البيجاما  
وتعالى .. لأ . مفيش خطر .. طب البس بسرعة  
وتعسال لأ .. دلوقت ، دلوقت على طول ..  
ارجوك .. دلوقت على طول ..

( يضع السماعة ، نمر لحظات صمت ، ييدا في  
الحديث مع نفسه في ضياع ) .

**جميل :** البترول يسبب مصر كلها ، ويطلع تحت بيتى ..

يسبب مصر كلها .. بصحاريها ، وجبالها .  
وانهارها ، ويتجمع تحت بيتى .. اول حاجة  
حايعملوها ، حايطردوني انا ومراتي وعيالى ..  
والبلد تتقلب مهرجانات وافراح .. وحطنى على  
ما اى مسئول يتعطف علينا ويدينا خيمة من خيم

الايواء .. وحطنى على ما يلاقوا بند يعوضونى منه  
عن ثمن الفيلا .. ولو ادوتى ؟ .. حايدونى  
كام .. ( يعيش الدور ، يقلد مستولا وهميا ) ..  
والدك الله يرحمه ، سيادة المستشار عادل عبدالحق  
ابو الخير .. كان اشترى الفيلا دى من الحكومة  
بالفين وسبعمائة جنيه .. احنا حانديك ثلاثة  
آلاف .. طبقا للبيانات اللي جت لى من الشهر  
العقارى .. الفيلا اللي وراك اتباعت بالفين  
وثمانمائة جنيه .. والفيلا اللي جنك اتباعت  
بثلاثة آلاف جنيه .. ( جميل ) يا قندم اللي ورايا  
اتباعت بستمائة الف .. واللى جنبى اندفع فيها  
سبعمائة وخمسين .. المبالغ دى بيكتبوها في  
العقود عشان ما يدفعوش رسوم .. ده انا اتعرض  
لى فيها من ست سنين نص مليون جنيه .  
ورفضت .. وسافرت اشتغلت بره عشان احافظ  
عليها واحتفظ بها .. ( المسؤل ) والله يا ابنى  
انت عارف الحكومة .. الحكومة ليها ورق ، وارقام  
مثبتة على الورق .. ما تناس اننا حانديك  
شقة من غير تأمين .. من غير مقدم .. من غير  
خلو .. وصل اليه لحد الباب يا عبده .. اللي  
بعده .. ( جميل ) . يا سادة المحافظ ..  
يا سيادة المحافظ .. انا اللي البترول طلع في  
بيتنا .. ( المحافظ ) .. اهلا اهلا يادش  
الخير .. تحت امرك .. اوامر .. طلباتك ..  
( جميل ) .. يا سيادة المحافظ ، انا وعيالى ومراتي

عاشين في خيمة من خيم الايواء .. ( المسئول  
مستبشعا ) .. مش ممكن .. مستحيل .. مش  
معتول .. امر فظيع .. والله يا باشمهندس انا  
قلبي يتقطع عشائك .. احنا حلوانا في المحافظة  
جد لك اى مخرج ما عرفناش .. احنا مقيدين  
بقوانين ولوائح .. بيتك ما تهدش .. ماطلعش في  
التنظيم .. مش متزوج حديثا .. والمستشار  
القانوني اثار نقطة في غاية الأهمية .. وزارة الحكم  
المحلى ما استفادتش من البترول .. اللى استفاد  
وزارة البترول ، احنا مش مستمدين ندفع وغيرنا  
يقبض .. ولذلك الورق كله اتحول لوزارة  
البترول .. مع توصية منى .. ( جميل ) يا سيادة  
وزير البترول .. قالوا لى ان حضرتك المسئول  
عن الشقة بتاعتى .. ( المسئول ) .. يا بنى انا  
مسئول عن البترول اللى انا الاقيه .. اللى ادور  
عليه تحت الأرض واجيبه بعرق جبينى .. مش عن  
البترول اللى بطلع شيطانى على الحيطان .. ثم  
انا وزير البترول .. يعنى مسئول عن آبار  
البترول .. حضرتك بتكلمنى بصفتك ايه ..  
بير .. والا مواطن عاوز شقة ؟ .. مواطن عاوز  
شقة .. خلاص .. افضل روح لوزير الاسكان ..  
كل الورق راح لوزارة الاسكان وصورة منه راحت  
لوزارة التعمير .. وهلى فكره .. البترول اللى  
طلع في بيتكم ، طلع مش اللى هو يعنى .. ربنا  
يسهل ونعرف نبيعه .. نسبة الأوكتين اللى فيه

منخفضة جدا .. يعنى مش اوكتين في الفيفتين ..  
( جميل ينادى ) .. يا سيادة رئيس الوزراء ..  
يا سيادة رئيس الوزراء .. انا اللى البترول طلع  
في بيتهم .. انا اللى سددت نص ديون مصر ..  
انا اللى انقذتكم من البنك الدولى .. انا اللى  
اوقفت جنون الأسعار .. انا عاوز فيلا بدال اللى  
خدتوها .. ( رئيس الوزراء ) .. الدولة ما عندهاش  
فلل يا بنى .. احنا عندنا شقق بس .. وعرضنا  
عليك واحدة ، ومارضيتش تاخذها ( جميل ) دى  
أودة وصالة يافندم .. ( المسئول ) طب قال لى  
أعمل نه .. والله المعصم انا تحت امرك ومقدر  
تضحيتك .. ومستعد تيجى تسكن مطرحى ..  
خليك متواضع وخذ الأودة والصالة لحد ما ربنا  
يسهلها .. انت عارف يا جميل الظروف الصعبة  
اللى بتمر بيها البلد .. والله العظيم لو ظروفنا  
مبهجة شوية لكننا ادينا لك في الدوبارة ..  
( صوت حشد هائل ، وصياح ، جميل يرفع  
صوته وكأنه يريد لفت نظر شخص ما يقف بعيدا  
عنه .. ) .. يا فندم .. اسمعنى يا فندم ..  
ربنا يخليك لمصر يا فندم .. انا المهندس جميل  
عبد الحق .. ( المسئول ) .. أيوة يا جميل ..  
تعال .. سيبوه .. تعال .. أقف قدام الناس  
يا جميل .. وريهم نموذج المصرى النبيل .. وريهم  
نموذج التضحية وانكار الذات .. أهو واقف  
قدامكم أهو يا حضرات .. أعظم مواطن مصرى في



العصر الحديث .. ساب فيلته الجميلة .. القبلا  
اللى اترى وعاش فيها .. وعاش في خيمة هو  
واسرته .. عشان مين ؟ .. عشان مصر .. ابقى  
أدبله شقة يا بندارى .. والسلام عليكم ورحمة  
الله .. ( تصفيق وهتاف بينما جميل يصيح في  
تعاسة ) .. يا فندم .. يا فندم أعمل إيه وأروح  
لمين .. ( يرفع رأسه لأعلى ) .. يارب .. فوضت  
أمرى إليك .. يا اله الكون .. يا الهى ..  
يا الهى ..

( تظهر زوجته أعلى السلم ، تنظر له في فزع .. على  
الفرد يعول صيحاته الى غناء ) .

**جميل** : الهى .. ان يكن ذنبى عظيما ، فعفوك يا اله الكون  
اعظم .. يارب .. الله .. الله ..

**رئيسة** : مالك يا جميل ؟

( يحاول استعادة هدونه )

**جميل** : مالى إيه .. ؟ .. باغنى ..

**رئيسة** : مش غنا ده ..

**جميل** : هو حاجة بين الغناء وبين التواشيع .. وبين  
الابتهالات والاستغاثات .. اصل اللوحة دى ..

**رئيسة** : مالها ؟

**جميل** : لوحة قرية ..

**رئيسة** : سياحية .. ؟

**جميل** : ( بعصية ) .. هو خلاص ؟ .. لما نقول قرية  
تبقى سياحية .. ؟ .. دى قرية بحق وحقيق ..  
قرية بتزرع ..

**رئيسة** : وبعدين ..

**جميل** : ولا قبلين .. وانا باشتغل فيها ، اكتشفت انها  
هايلة .. حسيت انى مبسوط .. فرحت مفضى .  
إيه يا رئيسة ممنوع انى اغنى في بيتى ؟ ..

**رئيسة** : مش ممنوع طبعا .. بس ممنوع تصحى الجيران ..

**جميل** : حاضر .. وشكرا لأنك نبهتيني .. ( يغنى بصوت  
خافت ) .. نار ، نار ، نار ، نار ، نار .. حبك نار ..  
قربك نار .. وأكثر من نار .. اظن كده صوتى  
ما بزعجش حد ..

**رئيسة** : ( تنسحب ) .. تصبح على خير ..

**جميل** : وانت من اهله .. ( يتابعها ببصره الى ان تختفى )  
أعمل إيه أروح فين بس يا ربى ؟ .. أعمل إيه . ؟

( ضوء سيارة ينعكس على الشرفة الخلفية .. صوت  
افتراق سيارة ، يفتح باب القبلا محاولا ان يهتف صوتا  
ويستعد لاستقبال الزائر .. يدخل ابراهيم مشكلانى ، يقاربه  
في السن )

**ابراهيم** : خير . ؟

**جميل** : وطى صوتك .. رئيسة لسه داخله تنام ..

**ابراهيم** : إيه اللى حصل ؟

**جيميل** : حانعرف دلوقت .. ( بناوله قطعة قطن ) .. شم  
دى ..

**ابراهيم** : ( بشك ) .. فيها ايه ؟

**جيميل** : شم وانت تعرف ..

**ابراهيم** : انت جاينى على ملاوشى عشان اشم حنة  
قطن .. اوعى تكون ؟

**جيميل** : يا راجل .. هو انا بناع حاجات من دى .. ؟ ..  
لا .. ما تخافش ..

**ابراهيم** : يعنى مش .. ؟

**جيميل** : لا .. قلت لك ما تخافش .. يعنى انا ناده لك  
عشان اضرك .. اشم ..

**ابراهيم** : ا بنشم قطعة القطن بحدرك ) .. جاز ..  
سولار .. بنزين ..

**جيميل** : بتروى خام ..

**ابراهيم** : بتروى خام ؟ .. جيته منين ؟

**جيميل** : ما جيتوش .. هو اللي جالى .. ( وكانه بنوح ) ..  
البتروى طلع فى بيتنا يا ابراهيم يا مشكلانى ..

**ابراهيم** : مش فاهم .. ازاي .. ؟ .. امتى .. ؟

**جيميل** : حانعرف بنفسك دلوقت ..

( بسك بقطعة قطن يمررها على الحائط ثم يناولها  
لابراهيم الذى يتناولها بطرف اصابعه ثم يشمها بحدرك ) ..

**ابراهيم** : متأكد ان ده بتروى خام .. ؟ .. مش جابر يكون  
حاجة تانية تسربت من اى حنة حكم .. ؟

**جيميل** : انا اشتغلت خمس سنين فى التنقيب من البترول  
( مؤكدا على كل حرف ) .. ده بتروى خام ..

**ابراهيم** : يعنى ايه ؟

**جيميل** : يعنى فيه بير بتروى تحت رجلينا داير .. ححه  
قد ايه ، طاقته قد ايه ، ماعرفش .. بس واضح  
انه بير كبير جدا والضغط بقاعه قوى جدا ..  
لكن اللي ملجحه ، الأساس المتين مع القبلا ..  
ابويا الله يرحمه كان عامل حابه .. ممكن بطعم  
عشرة ادوار .. ومع ذلك ماتضمش .. ممكن  
البتروى يندفع ، يكر الأساس ويصير اعلا دى فى  
السماء ..

**ابراهيم** : معقول الكلام ده ؟

**جيميل** : لا .. مش معقول .. بس حصل ..

**ابراهيم** : سبحان الله .. يعنى الخير جه لمصر على ايدك ..

**جيميل** : البترول جايجى بالخير على الناس كلها ..  
وبالخراب على وعلى اللي خلفونى ..

**ابراهيم** : اعوذ بالله .. يا راجل ماتقولش كذا ..

**جيميل** : ابراهيم .. انا عاوزه تفسر لى حقى .. مش  
حانقل من هنا لا لما دوتنى بيوعد تانية ..

الفلوس اللي عطتها فى خمس سنين ساجيليش

شقة .. وماتنماش ان اولادى له صغيرين في  
ثانوى واعدادى .. والتعليم مكلف دلوقتى ..

**ابراهيم** : اهدا .. اهدا .. وثق في .. ولا يهيك اى  
حاجة .. انت عارف شعارى .. مافيش مشكلة  
على الأرض ..

**جهيل** : امال انا كلمتك ليه .. ؟ .. لأمى وانى انك  
احسن واحد يحل المشاكل في مصر .. واحسن  
واحد يعملها ..

**ابراهيم** : اللحظة دى من أسعد اللحظات في حياتى .. كل  
المشاكل اللى بتتعرض على حلها سهل .. هابقه .  
اخيرا لقب المشكلة اللى تتحدى مواهبى وقدراتى  
القانونية ..

**جهيل** : ا يوبه في غضب .. وهو ده وقته ؟ .. بقى  
شابفتى حاروح في سنين داهية .. وكل اللى  
يهمك مواهبك وقدراتك القانونية ؟

**ابراهيم** : اهدا .. اهدا وروق .. وسكر في حكمة ربنا  
سحانه وتعالى .. انت مش ملاحظ حاجة ؟

**جهيل** : حاجة زى ايه ؟

**ابراهيم** : احنا بنصرف دم قلبنا وقاعدن نستلم وتكلف  
شركات البترول . تدور لنا على البترول في كل  
شبر في مصر فيقوم بسبب مصر كلها ويطلع في  
بيتك ..

**جهيل** : عثمان حظى النحاس ..

**ابراهيم** : لا .. عثمان حظك العانى .. عثمان حظك  
الجميل .. ربنا سبحانه وتعالى ، لحكمة يعلمها  
هو .. اختارك من بين كل المصريين عثمان يعنى  
لك البترول باسمك وعلى عنوانك .. ا وكأنه يعلن  
قرارا هاما وهو يدب بقدمه على الأرض ) ..  
البترول ده ..

**جهيل** : ماله .. ؟

**ابراهيم** : بتاعك يا جهيل ..

**جهيل** : بتاعى ؟؟ .. هاها .. هاها .. ده انت اخترت  
وقت مش مناسب أبدا عثمان نهزر معايا ..

**ابراهيم** : انا مش بأهزر .. انا عمري ما كتب جد رى  
دلوقت ..

**جهيل** : القانون يقول ان كل الثروات الطبيعية ملك  
الدولة ..

**ابراهيم** : وهى الثروات الطبيعية ، هى بس اللى ملك  
الدولة .. الطبيعية وغير الطبيعية .. واى نروة  
تقايها الدولة وهى ماشية في سكتها .. البنى آدمين  
والحيوانات والهوا والمياه واى حاجة واقعة  
او نائمة او ماشية على الأرض .. وكل ده بيتغير  
دلوقت .. اتضح ان القانون لا يعنى العدالة  
دائما .. القانون بيعط البشر لكن العدل اللى هو  
القانون الالهى هو اللى جاب لك البترول لحد عندك  
يا جهيل .. استغلتنى يا جهيل ..  
الأرض المقسم عليها اسلا دى ملكك ومنك ابوك ..

**ابراهيم** : القانون ده غير دستورى .. ومستمد اثبت الكلام ده وآخذ لك حكم فى اول جلسة .. ثم ايه اللى حايعرف الدولة .. مين اللى حايقول لها .. مين حايلفها ؟

**جميل** : انا ..

**ابراهيم** : ليه ؟

**جميل** : لانى مواطن صالح ..

**ابراهيم** : لا .. لانتك مواطن غيبى وجاهل بحقوقك .. الراجل الصياد فى الحواديث القديمة ، اللى اصطاد سمكة ولقى جواها جوهره .. راح بلغ السلطان عثمان ياخذها منه ؟

**جميل** : امال عاوزنى اعمل ايه يا ابراهيم ؟ ..

**ابراهيم** : آد .. هو ده السؤال .. ما تعملش حاجة .. مالكش دعوه باى حاجة .. كل المطلوب منك انك تعرف وتوافق وتتاكد وتنحس وتؤمن ان البترول ده بتاعك .. وتسيب الباقى كله على .. استخراج البترول .. تسويقه .. بيعه .. كل ده مشكلتى انا ، مش مشكلتك .. انت كل مشكلتك حاتنحصر فى الاجابة على سؤال واحد .. حاتعمل بالفلوس ايه .. ؟

**جميل** : انت بتتكلم جد با ابراهيم ..

**ابراهيم** : كل الجد .. ( بحماس ) .. انت سيد بترولك يا جميل ..

ولك عليها كل حقوق الملكية كما وردت فى كل دساتير العالم .. خلاص يا جميل .. احنا مش دولة شعوبية .. احنا داخلين على عصر الافراد الأغنياء ، الأكفاء .. المنتجين .. مرة تانية حايقى عندنا طلعت حرب وعبود وفرغلى .. بص على اللى بيحصل فى الدول الاشتراكية يا جميل .. وبص على اللى بيحصل فى أمريكا .. لو انت أمريكانى ولقيت بترول فى بينكم .. يبقى بتاع الدولة ؟

**جميل** : لأ طبعا .. الدولة لها غرايب بس .. بس ده فى أمريكا ..

**ابراهيم** : أمريكا دلوقت ، الحرية الفردية والملكية الفردية هى النسل الأعلى لكل حكومات الأرض .. كل النظريات السياسية والقانونية بتتغير فى العالم كله .. انت بس اللى تعلقنا منظمه الشباب له مكلمنة فى عقلك .. طب بلاش أمريكا .. خلينا فى مصر .. افرض ان السائل ده مش بترول .. مرقسوس ، عصر قصب .. الدولة حايجى تاخده ؟

**جميل** : انت متصور ايه يا شكلاى .. حاتفتح دكان ابيع فيه بترول زى دلكين الجاز بتاعة زمان ، دى مش قضية قانون دستور وعدل وحق وملكية فردية وملكية دولة .. دى قضية القوة .. القوة التنفيذية .. الحكومة .. الدولة عندها القوة اللى تنقل بيها قانونها على وعلى اللى يتشدد لى

**جميل** : يعنى اخبرا .. حاكل جمبرى .. ؟

**ابراهيم** : واناكوزا .

**جميل** : واركب عربية فخمة .. ؟

**ابراهيم** : وتركب طائرة ..

**جميل** : بس ضميرى حايعذبنى يا ابراهيم ؟

**ابراهيم** : الفقرا بس هم ائلى ضمائرهم بتعذبهم .. مع

الصفير السادس حايتحول لبالوظة ..

ومع الصفير السابع حايتحول لهلبية بالكرات ..

ومع انصفر الثامن لا حايبقى عندك ضمير ولا يبفى

عندك اى حاجة تانية .. حايتحول لكائن اثيرى

شفاف طاير فوق الحباب .. لا تشوف حد ،

ولا حد يشوفك .

**جميل** : ولو اكتشفنا ؟

**ابراهيم** : حايبقى قضية المصر .. ونطلب سماع شهادة

كل اساندة القانون الدستورى فى العالم كله ..

وكل خبراء حقوق الانسان .. وكل المفكرين ..

شان ييجوا يقفوا قدام المحكمة ويقولوا بكل

اللغات .. من حكم فى ماله فما ظلم .. وفى أسوأ

الاحتمالات حاحولها لك قضية تموين .. تدفع لك

خمس جنية فرامة .. فكر بسرعة وخذ قرار ..

( لظلمات صمت طويلة ، جميل يعنى فى اللوحة

بشود . )

**جميل** : فيه قانون يمنع الانسان انه يعمل دولة ؟

**ابراهيم** : يعمل ايه . ؟

**جميل** : بلد .. جمهورية .. دولة ..

**ابراهيم** : لا ، مانيش .. بس ممكن يعملود لك فى عشر

دقايق .. ليه ؟ اشرح لى انت علوز تعمل ايه وانا

احطه لك فى شكله القانونى ..

**جميل** : علوز اعمل دولة .. بلد .. جمهورية .. بفلوسى ..

بص للقرية دى ( يشير الى اللوحة ) .. انا باظم

بيها من قبل ما اتخرج .. دلوقت ممكن احقق

احلامى .. حاشترى ارض فى صحراء سيناء

والصحراء الغربية .. واى صحراء حابنى خمسين

قربة وازرع خمسة مليون فدان .. يعنى حازرع

ارض بمساحة الوادى .. يعنى اعمل مصر تانية ..

**ابراهيم** : مفيش اى مشكلة .. عندك الفلوس والارض والبشر

والمياة ..

**جميل** : هو فيه حد فى المنطقة ما عندوش فلوس وارض

وبشر ومياة يا مشكلانى .. كلهم عندهم .. بس

ما عندهمش الرغبة .. الرغبة .. الرغبة ..

الرغبة .. الحياة رغبة .. الدنيا رغبة .. الدولة

رغبة ..

**ابراهيم** : ( يتلفت حوله ) .. ما تقولش دولة حاودينشا فى

داهية .. سبها مؤسسة ..

**جميل** : ماشى .. مؤسسة مصر الزراعية العربية ..

**ابراهيم** : عليك نور ..

**جميل** : ( جادا تماما ، اقرب للصرامة ) .. طلبائك .. ؟  
**ابراهيم** : خمسة وعشرين في المائة من الدخل نظير الادارة  
والتحويل ..

( امر لظلمت )

**جميل** : كثير يا ابراهيم ، كثير ، انت عارف حاجت حاجة مائة  
وسماد وجرارات وعشرات الألوف من العمال  
والاداريين والفنيين والمهندسين .. انزل شوية ..  
خمتاشر في المائة كويس ..

**ابراهيم** : تصدق بابه .. ؟

( لحظة ، ولكنه يبحث عن شيء يقدم به .. يمك  
نقطة قطن يمررها على الحائط بسرعة ثم يقربه من عينيه ) .

**ابراهيم** : وحياة دي النعمة والا اولع بيها .. لو حد تاني  
ما كنت حاخذ اقل من خمسين في المائة ..

( بسرعة يعد له كفه ) .

**ابراهيم** : خمسة وعشرين .. مبروك علينا .. نقرا الفاتحة ..

( بيدان في قراءة الفاتحة هما ، ظهر رئيسة اعلى  
السلام ) .

**رئيسة** : انا بقى مش موافقة على كل اللي بيحصل ..  
ومعترضة على كل اللي اتقال ..

**جميل** : ( هامسا ) .. لسه بنقول يا هادي والمعارضة  
اشتغلت ..

**ابراهيم** : انت مش قلت لي انها دخلت تنام ؟

**جميل** : هي المعارضة بننام برضه . ؟

( تواصل وهي نازلة السلم بهدوء وثقة ) .

**رئيسة** : كدا اهو ؟ .. تسرقوا الدولة .. وتسرقوا ثروة

البلد بالبساطة دي ؟ .. وحضرتك يا محامي  
يا صديق الطفولة بتمنطق له العملية . بتقننها  
له . ؟ .. بتدسرها له ؟ .. ده انت كنت واحد  
من اهم المدافعين عن ملكية الدولة لكل شيء ..

**ابراهيم** : حصل .. واكتشفت اني غلطان .. ورجعت  
للحق .. والرجوع لتحق فضيلة . واظن انه مش  
من اللائق انك تتصنتي علينا يا مدام ..

**رئيسة** : انا ما تصنتس عليكم في بيتكم .. انا اتصنت عليكم  
في بيتي .. عشان اعرف ايه اللي بيحصل فيه ..  
ايه اللي بينطبخ فيه .. حقى ؟ .. والا مش  
حقى ؟ ..

**ابراهيم** : حقك ..

**رئيسة** : واليه اللي بيحلم بعمل دولة مثالية .. يوتوبيا ..  
اول حاجة عملها لما جت له الفرصة ، فكر  
لواحدة ، وخذ القرار لوحده وقرأ الفاتحة ..  
كما لو كان عايش لوحده في البيت ده .. مالوش  
زوجة .. مالوش شريكة ..

**جميل** : حبيبتى انا كنت حاقول لك كل حاجة الصبح ..

**رئيسة** : آه ، كنت حاقول لي بعدين .. تبقى بتفكر  
زبهم .. باخدوا القرار وبعدين ياخدوا موافقة  
مجلس الشعب عليه ..

**جميل** : حبيبتي انت كنت نايمة ..

**رئيسة** : صحيني .. والا الحكاية هايبة لدرجة انك تسيبيني نايمة على وداني وتاخذ قرار لوحدك في موضوع خطير زي ده .. صحيني يا اخي .. ده انت كنت بتصحيني اعمل لك تهوة ..

( ليست منغطة ، بل تتكلم بشيا وثقة افرح لفرقة .  
هي على وهي بان ما تقوله لهما هو العنصر العاسم في  
الموضوع كله .. وان المسرح ملكها تماما ) .

**رئيسة** : في لحظة ، تنسى كل اللي اتعلمته . وكل اللي بتنادي بيه ، ويستيقظ جواك الراجل الشرقي ..  
الديكتاتور اللي بياخذ القرار لوحدده ..

**جميل** : القرار اللي فيه مصلحتك ومصلحة اولادنا ومصلحة كل الناس ..

**ابراهيم** : صح .. ده كلام سليم ..

**رئيسة** : بالضبط .. هي دي الاجابة .. وانا متأكد انك صادق وانت بتقولها .. كل الناس اللي كانوا السب في تعاسة كل البشر كانوا بيقولوا نفس الاجابة .. في مصر وتشيكوسلوفاكيا ورومانيا والاتحاد السوفيتي .. طب اتكلم معايا عثمان تعرف مصلحتي فين .. تتكلم يا اخي .. نتناقش .. ما تفرضش على انك عارف مصلحتي وانا ما اعرفهاش ..

**جميل** : ادي احنا فيها .. نتناقش ..

**رئيسة** : بعد ايه ؟ ..

( تصك بسماحة التليفون وتطلب رلفا ، الفزع  
بتتاب جميل ) .

**جميل** : بتعملي ايه .. ؟

**رئيسة** : ما تخافش .. الو .. مساء الخير يا استاذ ابراهيم .. انا آسفة اللي باكلحك في وقت متأخر .. بس انا عارفة انك سهران .. انا والدة احسان جميل عبد الحق .. ممكن من فضلك تيجي تدي المدرس لاحسان في البيت .. في الوقت اللي تحدد .. مفيش مشكلة .. ماشي .. وبالبلغ اللي تحدد .. ماشي .. موافقة على مائتين جنيه في الحصة .. متشكره يا استاذ ابراهيم .. مع السلامة ..

( لعلمك صمت )

**رئيسة** : نصيبي كام في العملية دي ؟

( بتفكران الصعد )

**ابراهيم** : خمسة وعشرين في المائة ..

**رئيسة** : ( تقلده ساخرة ) .. خمسة وعشرين في المائة .. وانت مالك انت .. حضرتك ماحددتش آخذ كام .. انا اللي احدد لك .. هو البيترول كان طلع في بيتكم ؟ ..

**ابراهيم** : انا ماجبتش حاجة من عندي يا مدام رئيسة .. ده حكم الشرع .. للذكر مثل حظ الأنثيين .. جميل خياخذ خمسين و حضرتك حياخذني خمسة وعشرين ..

**رئيسة:** الكلام ده فى المراث .. لكن الرجل عايش قدامك اهو .. ربنا يخليه ويطول فى عمره ويبارك فى صحتة وعافيته ..

**جميل:** يا حبيبتى هو فيه حاجة اسمها فلوسى وفلوسك ؟

**رئيسة:** ماتسبحش المسائل .. ايوه ، فيه دلوقت حاجة اسمها فلوسى وحاجة اسمها فلوسك .. احلم انت بالقوى وبالصحراء اللى حاضيع فيها فلوسك .. انا واقعية وعاوزة اطمئن على مستقبلى ومستقبل عيالى .. حقى ؟

**جميل:** حقك ..

**رئيسة:** استاذ ابراهيم حضرتك حتاخذ اتنين ونص فى المائة نظير ادارة المشروع .. مش عاجبك ، انا اللى حادير المشروع ، مش مشكلة .. ده مشوار لحد روما يسوى كل المسائل ..

**جميل:** روما ؟

**رئيسة:** ايوه .. حاقابل حد من المانيا .. تبعت لنا خبير يقول لنا تعمل ايه .. فيه سوق سودا لبيع البترول سوق سرية ، دى مسألة معروفة للجميع .. قلت ايه يا ابو خليل . ؟

**ابراهيم:** انت بتلوى دراعى كده يا مدام ..

**رئيسة:** ليه بس يا ابو خليل ، دى مسألة عرض وطلب .. Take it or leave it .. هى دى حريسة السوق .

**ابراهيم:** خليمهم عشرين .. ماتنسيش انى انا اللى حامول يا مدام ..

**رئيسة:** حضرتك مش حاتمولى حاجة .. ومافيش مصرى بيطلع فلوس من تحت البلاطة بيمول بيها حاجة .. اتنين ونص فى المائة .. قلت ايه ؟

**ابراهيم:** والله العظيم ده ظلم واقترأ .. وحرام .. ولوى دراع ..

**رئيسة:** تصدق بابيه ..

( تتناول قطعة فطن وتمررها على اقرب حائط ) .

**رئيسة:** ( تقرب قطعة الفطن من عينيها ) وحياة دى النعمة ، وحياة دى النعمة ، وحياة دى النعمة ، الهى يارب لو كنت بافتري عليك ما الحق اتمتع بيها .. ولا الحق اجيب بيها فساتين وجزم وعربيات وفلل وععارات وشاليهات .. وحياة دى النعمة ، والا ما الحق احطها فى بنوك سوسيرا وفرنسا وانجلترا وامريكا .. وحياة دى النعمة على عينى ومالك على حلفان .. اللى باعرضه عليك عادل جدا .. وكريم جدا واكثر من حقك .. ولو عرضته على وزير البترول نفسه ، حايبسب الوزارة فوراً وييجى يشتغل عندى ويبوس ايده وش وضهر ..

**ابراهيم:** على العموم يا مدام ، الفلوس مش كل حاجة ، الفلوس بتروح وتيجى .. المهم الواحد يقف جنب اصدقائه فى اوقات الشدة .. ومن غير فلوس خالص والله .. وهو احنا بيننا وبين بعض فلوس .. ؟ .. حاقول ايه يعنى .. موافق يا ستى ..

**جميل:** ( ساخطا ) .. موافق ؟ .. يعنى معايا انا تدبحنى



وتصر تاخذ الربح ولما تيجى هي تضغط عليك  
وتنزلك للعشر ، وتوافق .. وبعدين تتكلم عن  
الصدقة ..

**ابراهيم** : انا تساهلت فى حتى عشائك يا جميل ..

( رئيسة تتدخل لتطيد الجو )

**رئيسة** : جميل .. انا عاوزة اعترف لك بحاجة .. انت  
عاوز الحق والا ابن عمه . ؟

**جميل** : الحق طبعا ..

**رئيسة** : ابراهيم يستحق اكثر من خمسة وعشرين فى المائة  
نظير ادارة .. وانا شخصيا يا حسد نفسى على انه  
وافق يبقى المسئول عن ادارة مشروعى ، قصدى  
مشروعنا .. ولو احنا لفينا الدنيا كلها ، مش  
حانلاقى حد لى كفاءته وفى اخلاصه .. انا  
ضغطت عليه عشان اختبره واشوف حايقف معانا  
والا لا .. وتجح فى الاختبار .. وافق انه ياخذ  
الملايين اللى انا عرضتها عليه .. ولذلك باسلمه  
رقيبى ورقبتك وانا مطمئنة .. وحاشوف انا  
حا فاجئه بايه .. حاشوف حا حلى له بقه ازاي ..  
ابراهيم ده هو ثروتنا الحقيقية .. مش البرول ..

**ابراهيم** : ( سعيدا لاطرائها ) .. شكرا وارجو انى اكون عند  
حسن ظنك ..

( هي واثقة بانها قد سيطرت على ابراهيم تماما من  
حلال كلمات الاطراء والديح ، تتكلم معه برفقة المسئول  
الواقع من ان كلماته البسيطة الهادئة ، هي اوامر ستتلفظ على  
الغور ) .

**رئيسة** : ابو خليل .. الصبح بدري حانطلع على القنصلية  
الاطيالية ..

**ابراهيم** : انا باسبورى دايمنا عليه ناشيرات دخول انجلترا  
وفرنسا وسويسرا وايطاليا ..

**رئيسة** : مش قلت لك .. جاهز ..

**جميل** : طول عمره ..

**رئيسة** : يبقى حانطلع دلوقت على المطار .. حتاخذ اول  
طيارة رايحة روما .. اطلع على اى اونيل خمس  
نجوم .. ادخل صالة القمار .. قابل مدير  
الصالة ، عرفه بنفسك .. قل له انك بتشتغل  
حرامى فى مصر ، وان فيه عملية فيها لقمة  
كبيرة قوى جاى تعرضها على المافيا .. وارجع  
اردتك .. حايتصلوا بيك .. اطلب مقابلة المسئول  
عن فرع مصر .. واحكى له الحكاية .. حاستنى  
منك تليفون بكره الضهر الساعة اتاثر ..  
ما ترغيش فى التليفون .. كلمتين ورد غطاهم ..  
تروح وترجع بالسلامة .. تصبحوا على خير ..

**ابراهيم** : ( بحماس المرؤوسين ) وانت من اهله ..

**جميل** : ( بانكسار ) .. وانت من اهله ..

( تاخذ طريقها بهدوء صاعدة السلم ، كل منهما ينظر  
للاخر وكأنه لا يصدق نفسه ) .

**ابراهيم** : رئيسة بحق وحقيق .. مين فيكم اللى سمى مراته  
على اسم امرأة التانى .. انت والا جورباتشوف ؟

**جميل** : انا بدأت اخاف يا ابراهيم .. بدأت اخاف ..

( جميل بعدى فى اللوحة فى شرود وحزن بينما تظلت

الاصابة ) .

نجوم .. حطيت الشنطة في الأودة وحطقت دقتي  
وخذت دوش ونزلت على صالة القمار .. قلت  
أنا عاوز اقابل مدير الصالة ، ليه ؟ .. مالة  
خاصة ، دخلوني مكتبه بعد شوية اجراءات امن ..  
قلت له أنا عاوز اقابل اى مسئول من المافيا ..  
معابا عملية حاياكلوا منها الشهد .. لقعة كبيرة  
قوى .. وانا نازل هنا في الأوتيل .. حجرة ٢١٢ ..

جميل : كلمته بالانجليزى طعا ..

ابراهيم : طبعاً ..

جميل : وقلت له حياكلوا منها الشهد . ؟

ابراهيم : أبوه ..

جميل : شهد يعنى ايه بالانجليزى ؟

ابراهيم : بصراحة أنا ما اعرفش شهد يعنى ايه .. أنا

استخدمت كلمة كانتلوب ..

They will eat the Kantalop out of it.

جميل : ماشى .. كمل .. وبعدين .. ؟

ابراهيم : قال لى حضرتك جيت هنا غلط .. أنا ما اعرفش

انت بتتكلم فى ايه .. واتفصل اخرج بره

دلوقت .. ولو شفتك تانى حابلق البوليس ..

وقال شوية كلام بالظليانى .. شكلهم كده

شتيمة .. رجعت على اودتى ، بعد نص ساعة

جالى تليفون ، سنيور مشكلانى .. أبوه .. فيه

عربية ١٢٨ حمرا حاتتناك بعد عشر دقائق قدام

الأوتيل عشان توديك المسرح .. بعد عشر دقائق

بالضبط كنت واقف قدام الأوتيل .. جت

( ظهور تعريجي بطرفه للاصادة . جرس الباب يدق  
فى الحاج ، جميل بانى سرعاً ليفتح الباب . يدخل ابراهيم  
مشكلانى مندحاً ) .

ابراهيم : حصل .. كله تمام .. كل الأمور ماشية فى مجراها  
الليم ، الجماعة وصلوا ..

جميل : اشرح لى .. أنا مش فاهم حاجة .. مين اللى  
وصلوا .. ووصلوا فين ؟ .. وابه الخطبة  
الموضوعة . ؟

ابراهيم : هى رئيسة ما قائلتكش .. ؟

جميل : لا .. ما قائلتش حاجة .. وخرجت النهارده  
وأنا نايب .. وما اعرفش راحت فين .. وما اعرفش  
حضرتك جاي دلوقت منين .. وما اعرفش اى  
حاجة .. ممكن حضرتك تشرح لى ..

ابراهيم : أنا نفذت تعليمات رئيسة بالحرف الواحد ..  
طلعت من مطار روما على اقرب اوتيل خمس

العربية .. عربية غريبة جدا .. من برة ١٢٨ ومن  
جوه مرسيدس .. نخمة جدا من جوه .. فيها  
بار صفر .. وثلاجة صغيرة .. كنت جعان جدا ،  
طلعت سندوتشات وخلافه وقعدت اكل واشرب ..  
السواق ماتكلمش معايا ولا كلمة .. قعد يلف  
بيجي ساعة في شوارع روما .. وبعدين طلعتنا يره  
انيلد .. بعد نص ساعة تانية وصلنا لمكان اشبه  
بالقرية .. دخلنا حاجة زي الغابة .. وقفت  
العربية قدام فيلا مضلمة .. نزلت ، واحد فتح  
لى الباب .. واثنين استلموني ، واحد مشى قدامي  
والثاني مشى ورايا .. خدونى فى اودة وفتشونى  
ذاتى .. من غير ولا كلمة ، طلعت سلم ، وبعدين  
دخلت قاعة كبيرة .. فيها تراييزة كبيرة مدورة ..  
وسبعة انفار قاعدين .. وفيهم واحد عنده حوالى  
سبعين سنة ، عرفت على طول انه الاب الروحى ..

**جميل :** الاب الروحى ؟ .. عرفت ازاي انه الاب الروحى ؟

**ابراهيم :** من روحه .. روحه كانت حلوة قوى وهو بيتكلم  
معايا .. كان فى منتهى اللطف والظرف .. بالإضافة  
انى سمعت واحد من اللى قاعدين يقول له ..

**جميل :** ( يكمل له ) .. يقول له يا روحى ..

**ابراهيم :** لا .. يقول له .. بابا .. فتأكدت انه فعلا الاب  
الروحى .. كلن فيه ملف قدامه .. لمحت بطرف  
عيني لقيت صورتي محطوطة على ورق فوق  
الملف .. اتضح لى بعد كده ان ده الفيش والتشبيه  
بتامى ، صحيفة السجل الجنائى .. جابوه متين ؟  
ماعرفش .. جابوه ازاي ؟ .. ماعرفش ..

**جميل :** مش معجزة ؟ .. بالفاكس ..

**ابراهيم :** قالوا لى اتكلم بالعربى .. انطلقت .. شرحت كل  
حاجة .. وواحد منهم بيعرف عربى كويس قوى  
قعد يترجم ، كان معايا عينة ، حنة قطن عليها  
تترول .. واحد خدها وخزج .. بعد ربع ساعة  
رجع وقال جملة واحدة ، اوكيين فى الفيفتين ..  
فجأة لقيتهم راحوا منطوريين من على الكراسى  
وقعدوا يحضنوا فى بعض ويوسوا فى بعض .. لى  
الأخر المترجم قدم لى نفسه .. الشيور لترو جازو  
مسئول عمليات التترول فى المافيا ..

**جميل :** اسمه لترو جازو . ؟

**ابراهيم :** فى الغالب ده اسمه الحركى .. طلع يا سيدى انه  
من مواليد شبرا .. وابوه كان احسن واحد يفتح  
خزن .. وامه ايطالية ، كان عندها خمس شقق  
مشغلاهم قمار .. وهو اشتغل نثال فترة ..  
وبعدين سافر ايطاليا ربنا فتح عليه هناك ..  
بيعتبر من اهم اعضاء المنظمة ..

**جميل :** وبعدين .. ادخل فى الموضوع ..

**ابراهيم :** وصلنى بنفسه لحد الأوتيل .. وقعد يرددش  
معايا .. الساعة سبعة الصبح صحيت على جرس  
التليفون .. سنيور مشكلانى .. طيارتك خاتفادر  
الساعة ثمانية ورقم الرحلة ٣٥١ تكون فى المطار  
الساعة ستة .. الساعة اتناشر الضهر طلبتكم فى  
التليفون ، ردت على رئيسة .. قلت لها جملة

واحدة .. ميروك .. كسينا القضية .. وانا  
حاركت طائرة الساعة ثمانية ..

**جيميل** : ولا قالت لي حاجة ..

**ابراهيم** : في الطائرة وانا جاي من روما شفت مين راكب  
بمعايا ؟ لترو جازو .. عمل مايعرفنيش .. كان  
فيه برضه شوية وجوه ، شفتها في الفيلا بتاع  
الأب الروحي .. برضه عملوا نفسهم  
مايعرفونيش .. قدام مطار القاهرة كانت المفاجأة  
الكبرى .. عربيات سياحة فخمة بتستناهم ..  
خدتهم وظلمت على طول ..

**جيميل** : على فبن .. ؟

**ابراهيم** : في الغالب على الفرع بتاعهم في القاهرة ، عشان  
يشبوا حضور .. ده اللي أنا فهمته من الدردشة  
مع لترو جازو .. أي بلد ينزلوها ، لازم يشبوا  
حضور في الفرع بتاعهم ، عشان يامن تحركاتهم  
وببقى مسئول عن سلامتهم .. بس لترو جازو  
ماركبش معاهم .. تفكر ركب مع مين ؟

**جيميل** : مين ؟

**ابراهيم** : رئيسة ..

**جيميل** : رئيسة ؟

**ابراهيم** : أبوه .. كانت واقفة قدام المطار .. هي كمان  
عملت نفسها ماتعرفنيش .. فجأة لقيتها مسكت  
لترو جازو من دراعه وقالت له أهلا يا سنيور ..

نورت مصر .. قبل ما يقول أي كلمة راحت  
مركباه العربية .. مش تقول لي با راجل ان عندكم  
عربية فخمة بسواق ..

**جيميل** : عربية فخمة بسواق .. ؟ .. جابتها مين دي ؟  
تبقى أجرتها ..

**ابراهيم** : برافر عليها .. عشان تديهم انطباع اننا ناس مش  
أي كلام ..

**جيميل** : عرفت ازاي ان ده مسئول المافيا ؟

**ابراهيم** : هي برضه ست وليها نظرة في الراجل .. اصله  
أنيق جدا .. وشكله نضيف .. وبيمشي بكبرياء ..  
يبقى هر ده الحرامي الكبير قوي .. برضه الناس  
العادية بتبقى مائية مهمومة .. الحرامية لا ..

( المسواة لسنافات عديدة تنعكس على زجاج الشرفة ،  
اصوات موانير سيارات ) .

**ابراهيم** : وصلوا .. وصلوا ..

( اصوات سيارات توقف ثم ابواب تفتح ونطق ،  
ابراهيم يفتح الباب ، على الفور يتدفع عدة رجال يرتدون  
ملابس اغصاء المافيا التقليدية ، البنل داكنة اللون ،  
وربطة المنز البيضاء ، والقبعة الرخوة والنقارات القائمة ،  
احدهم يصعد السلم مسرعا ويختفي في الدور العلوي ،  
الثاني يخرج من الكالوس الأيمن ، الثالث يخرج من الكالوس  
الأيسر ، بعضهم يعمل حقائب ، خلف الشرفة تلمع رجالا  
آخرين انظروا أماكنهم في الحديقة وقد أعطوا ظهورهم لنا ..  
ياخلدون اوفساعا نابئة بحيث يسيطرون كلية على المكان ) .

صوت رئيسة : ( من الخارج ) : اتفضل يا سنيور .. اتفضل ..  
اهلا وسهلا ..

( تدخل رئيسة ، يدخل بعدها السنيور لترو جازر ..  
يتفحص المكان بنظرة سريعة ، سلوكه مهذب ولكنه يعكس  
احاسا بالثقة لا حدود له ، رئيسة تقدم له جميل  
وابراهيم ) .

رئيسة : جميل .. جوزى ..

جميل : ( وكانه يصحح ما قالته ) .. المهندس جميل  
عبد الحق ..

لترو : حصل لنا الشرف ..

( يصافح ابراهيم )

لترو : اهلا يا خل ..

ابراهيم : اهلا بيك يا فندم ..

رئيسة : تشربوا ايه ؟ .. طبعاً انت عارف تقاليدنا ..  
المشروبات الكحولية مابتدخش بيتنا .. تحبوا  
تشربوا ايه .. ؟ . قهوة ، شاي ، عصير ، حاجة  
ساقعة . ا

لترو : احنا كمان يا مدام عندنا تقاليد .. ومن تقاليدنا  
ان مافيش حاجة تدخل بيتنا غير المشروبات  
الكحولية .. هاها .. هاها ..

( يلاحظ انه الوحيد الذى يضحك لنتته ، ينظر  
بنظرة لجدوة الحرس فيضربون طم الفود .. ابراهيم  
ينضم لهم ل الضحك هو ورئيسة ) .

لترو : مابتضحكش ليه يا باشمهندس .. ؟

جميل : معلش .. اصل انا باضحك بصعوبة .. مش اى  
تكتة تضحكنى ..

لترو : عندك حق .. انا من يوم ما سبت مصر وانا دمس  
تقل .. انا كنت اضحك طوب الأرض .. كنت  
سعيد والحياة كانت سهلة ، ماكنتش ابطل ضحك  
انا واصحابى يعنى الواحد كان يخبط المحفظة ،  
بالكثير فيها ثلاثة جنيه ، ومع ذلك الواحد كان  
عايش مستور .. اشتغلت فترة فى الفيل ..

رئيسة : الفيل ؟ .. قصدك كنت فاتح دكان غسيل  
ومكوى ؟

لترو : لا .. كنت باسرق الفيل من فوق الاسطح ..  
يعنى كنت اعمل لى فى الشهر عشرين تلاتين  
سطوح ، والحياة كانت ماشية .. ماكناش تبطل  
ضحك انا واصحابى .. هيه .. الله يجازيه اللى  
كان السبب .. امى سابت مصر وخذتنى معاها ..  
قدمت لى فى المانيا .. نجحت وجبت مجموع  
كويس قوى .. من يومها ودمى بيتقل .. كل  
ما فلوسى تزيد ، كل ما دمس يتقل .. مافيش  
مليونير دمه خفيف ..

جميل : تشرب ايه يا سنيور ؟

لترو : مش عاجبك كلامى .. وعاوزنا ندخل فى الشغل ..  
مش كده ! ؟ ..

رئيسة : اعوذ بالله .. الراجل بيرحب بيك ..

**لتسرو :** جوزاك مايجينيش يا مدام .. انا اطلعت بسرعة على اللف بتاعه .. شريف ، ومضطر بوافق على حاجات غير شريفة عشان بنفذ افكار شريفة .. لذلك حابفضل تعس طول عمره . لأنه مرغم على اللي بيعمله .. وده نوع احنا يتعامل معاه بحذر . ممكن في لحظة ييوط كل حاجة .. ماعدوش الرغبة .. الجرم اللي يعتمد عليه والتي يوصل لأعلى المراكز عندنا هو الجرم اللي عنده الرغبة .. الرغبة .. الرغبة .. الرغبة هي اهم عنصر في الحياة يا مدام ..

**رئيسة :** طبعا .. طبعا ..

**جميل :** ( بيروود ) تشرب ايه يا سنيور لترو جازو .. ؟

**لتسرو :** آه .. ده انت مصر تكرهني .. مع انك لو عرفتنى على حقيقتى حاتحبني قوى ..

**ابراهيم :** انا مش عارف ايه اللي عمل سوء التفاهم ده ..

**رئيسة :** مالك يا جميل .. فيه حاجة . ؟

**جميل :** معاليش .. ومن فضلك لما تخرجي من البيت تقولى لى .. انا مش طرطور في البيت ده ..

**ابراهيم :** ( يهدئه ) .. مش قدام الناس يا جميل ..

**لتسرو :** مفيش حد غريب ياخل .. احنا بقينا اهل دلوقت قول يا باشمهندس .. فضفض عن نفسك ..

**جميل :** سنيور لترو جازو .. مفيش في علاقتنا مساحة للحب ولا الكره .. مش حانكون اصدقاء في يوم

من الأيسام .. احنا عندنا مشروع مشترك .. بيزنس .. انت طرف وانا طرف تاني .. ومش مطلوب اكثر من ان كل واحد يوفى التزاماته تجاه الطرف التاني .. الكلام عن الشرف والجريمة بعيد عن موضوعنا .. تاكد اني مستريح للي انا باعمله ..

**تسرو :** انا موافق على كلامك .. وسعيد بيه ..

**جميل :** ودلوقت .. ولاحر مرة .. تشرب ايه . ؟

**تسرو :** من تقاليدنا يا باشمهندس اننا لا نشرب ولا نأكل في بيت حد .. وبشكل عام انا ما باشربش وانا ناشتغل .. انا on duty دلوقت .. ومع ذلك نظرا لأن عمليتكم هايفه .. وماعتبرش شغل .. انا حاشرب ..

( يشرب لأحد الرجال )

**تسرو :** ويسكى .. تلج .. تلج كثير ..

( يتلمح أن أحد الحقائق تلاجة صغيرة ، احد رجاله يعد له كاسا ويفحمه له ) .

**تسرو :** ( ينظر لأحد الرجال ) .. شوف شغلك ..

( عند تلك اللحظة ، يعامل الجميع بصرامة . أحد رجاله يخرج معطفا ابيض من أحد الحقائق ، يرتديه ويخرج بعض الأجهزة العملية بنصبها بسرعة بينما الجميع يتابعون ما يفعله ، يمرر قطعة فظن أسفل الجدران ، يخرج محقنا يفرسه في أرضية المسرح للحصول على عينة ، يضع العينات في الأجهزة ويفحصها ) .

الرجل : اوكتين في الفيفتين ..

مجموعة

الحراس : ( تصيح معا في دهشة ) اوكتين في الفيفتين ؟

رئيسة : طبعاً .. امال يعنى بنفشكم ..

( لترو جانو بشر باصبعه لاحد الرجال فيخرج من جيبه الداخلى سماعة تليفون صغيرة يناولها له ) .

لترو : ( يطلب رقما ) .. سى سنيور .. اوكتين في الفيفتين ..

( رجل آخر يضع امامه حذية اخرى يفتحها امامه ) .

لترو : ( يخرج ورقة كبيرة ) .. دى صورة المنطقة بتاعكم

متاخدة بالقمر الصناعى .. ( بشر للمناطق ) ..

مدينة الصحفيين .. امبابة .. ميت عقبة ..

مدينة القضاة .. كان فيه شك ان البترول ده

متسرب من مصدر قريب منكم .. لكن الصورة

دى ( يخرج ورقة اخرى ) .. دى صورة الفيلا

بتاعتكم متكبده عشرة آلاف مرة ومتاخدة بالأشعة

الحرارية بتثبت ان البير موجودة هنا .. مطرح

ما احنا واقفين دلوقت .. الخطة اللي وضعها

خبراء المنظمة في روما بعد الاسترشاد برأى خبراء

الفرع في القاهرة تلخص فيما يلي ، واحد ..

الفيلا دى حاتحول لمشرع استثمارى مصرى

ايطالى مشترك لانتاج المنظفات الصناعية ..

ابراهيم : اتنين ..

لترو : حانعدكم بأحدث الأجهزة لاستخراج البترول

وتكريره ، حايتمنقل من هنا في عربيات تانك كبيرة

ليناء تصدير خاص بالقرب من مرسى مطروح ..

ناقلات البترول حاتحمل من هناك ..

ابراهيم : برالو .. كده يبقى موقفنا القانونى سليم ..

لان البنزين بيعتبر منظم صناعى ..

لترو : كل العمليات دى حايتموفر لها التغطية الكافية ..

جميل : اللي هي . ؟

لترو : زى ما قلت لحضرتك .. كل ده حايتم تحت غطاء

مشروع استثمارى مصرى ايطالى مشترك لانتاج

المنظفات الصناعية وتصديرها لأوروبا .. المادة

المتخدمة في انتاج المنظف الصناعى هي التراب ..

وبالطريقة دى تضمنوا موافقة الحكومة بسرمة ..

ما حايصدقوا يلاقوا حد يخلصهم من التراب ..

اسم الشركة حايكون C.A.M.A.N. - FOM

جميل : كمان قم ..

لترو : بالضبط .. ويرمز لها بالحرفين C.F وشمار

الاعلانات حايبقى صوفيا لورين قاعدة على طشت

جميل .. بس بملايس محتشمة عشان

ماتمرضوش لهجوم من حد .. وعشان ادارة

اعلانات التليفزيون توافق عليها .. ماتخلوش

بالدعاية .. احنا راصدين للدعاية خمسة مليون

جنيه .. ( يخرج ورقة كبيرة ) لتجهيز الموقع ..

لابد من شراء الفيلا دى .. ودى .. ودى ..  
ودى .. ودى .. باى نمن .. باى رقم ..

**جميل** : افرض اصحابها رفضوا ؟

**تسرو** : ماتشغلش بالك بالحكاية دى .. دى مسئولية  
فرع القاهرة .. فيه حد يرفض بيع فيلا بتسرق  
كل يوم فى عز الضهر الأحمر .. والمجارى بتضرب  
فيها والماية والنور بتقطع عنها من غير سبب ..  
فيه حد يرفض يسبب منطقة كل يوم يتفقع فيها  
علقة من ناس ما يعرفهمش ..

**جميل** : ده انتم ناس فى منتهى الاجرام ..

**تسرو** : مافيش حلاوة من غير نار يا باشمهندس ..  
الأغبياء بس هم اللي عاوزين يأكلوا الحلاوة من غير  
ما يتلسعوا ..

**ابراهيم** : عقودك جاهزة يا سنيور .. ؟

**تسرو** : احنا ما بنشتغلش بعقود يا سيد ابراهيم .. احنا  
بتعامل بالكلمة .. العقود دى اختراعها الشرفاء  
عشان يسرقوا بعض بشكل قانونى .. او عشان  
يرغموا بعض على الأمانة .. ولما يخيب أملهم  
يجرجروا بعض فى المحاكم .. احنا لا .. ومع ذلك  
ولانكم مجموعة من الهواة ودى اول عملياتكم ..  
عملنا لكم عقود عشان نضمنكم ..

( يخرج العقود من احد الطواب ) .

**تسرو** : بس عاوز انبهمك لشروط جزائى .. اى خطأ فى

التصرف ، اى تسيب ، اى احمال من اى نوع ..  
اى ضعف او تراجع تحت يافطة استيقاظ  
الضمير .. حاجترب عليه ان الطرف الثانى ..  
يموت ..

**رئيسة و ابراهيم** : ( معا ) .. يموت ؟

**تسرو** : للأسف ..

**رئيسة** : ازاي ؟

**تسرو** : الطرف الأول ، اللي هوا احنا .. يدعى عليه  
من كل قلبه فيقوم يموت فى حادثة او يموت موتة  
رينا .. احنا عندنا مئات الألوف من البيوت  
المفتوحة اللي بتاكل عيش من الشغل .. مش  
مستعدين نعرضهم للخطر لاي سبب .

**ابراهيم** : وايه اللي يخلينا نغلط والا نتسيب والا نهمل ؟ ..  
وعموما ما حدش بيحس بيموت ناقص عمر ..

**رئيسة** : نتكلم فى الفلوس ..

**تسرو** : نتكلم فى الفلوس .. نصيب حضراتكم حاجبى  
عشرين فى المائة مخصوم منهم الاثنى ونص فى المائة  
بتوع الأستاذ ابراهيم .. واحنا حناخد ثمانين فى  
المائة ، مشقين ، بعد خصم كل المصاريف  
والتكاليف ..

**جميل** : ( بقل ) .. ثمانين فى المائة ؟ ! .. ده انتم حرامية  
قعلا : قطاع طرق ..

**تسرو** : سبحان الله .. وهو احنا لا سمح الله فلنا حاجة



تانية ؟ .. هي دي النسبة اللي بتعامل بيها في  
المنطقة .. وساعات بناخد اكثر من كده .. والله  
العظيم احنا كارمينكم آخر كرم ..

**رئيسة :** ( تمد يدها لتصافح لترو جازو ) سيور لترو  
جازو .. متشكرين جدا .. وانا حقيقي آسفة  
اللي تعبتكم معانا .. وآسفة اللي ماعرفناش  
نلتقى .. كان بودي نعرف نتعاون سوا .. لكن  
طبعا الجايات اكثر من الراحات .. يمكن ربنا  
يسهل ونلاقى آثار تحت البيت واللألوحات فنية ..  
أوعدك اني حاصصل بيكم .. شكرا ومع ألف  
سلامة ..

**لترو :** يعنى ايه ؟

**رئيسة :** يعنى مش موافقين على العرض ده .. هو ماقيش  
ماقيا الا انتم .. ؟ !

**جميل :** الماقيا في كل حنة .. على قفا من يشيل ، نتصل  
بفرع لندن والا باريس والا نيويورك اكيد حايقدموا  
عرض افضل ..

**لترو :** هاها .. فرع لندن والا باريس والا نيويورك .  
الفروع دي بتاخذ تسعين في المائة يا سيد ..  
واضح انكم مجموعة هواة ولا عندكم فكرة عن  
الأسعار .. ومحدثين بتروول ..

**ابراهيم :** يا جماعة نتفاهم .. مش كده .. هم المشربين في  
المائة يطلعوا كلام ؟

**لترو :** حوالي خمسة مليون دولار في السنة ..

**ابراهيم :** ما هم معقولين برضه يا رئيسة هانم ..

**رئيسة :** خمسة مليون دولار معقولين ؟ .. أعمل بيهم ايه ؟  
اجيب بيهم جزم للعيال ؟ .. والا أشتري بيهم  
فيللا في سويسرا وانام علي الأرض ؟ انا عندي اولاد  
في مرحلة التعليم ولازم يتعلموا بره في احسن  
المدارس والجامعات .. هو فيه تعليم في مصر ؟  
حاصرف منين على بيوتهم وبيوتى .. ؟ حادف  
منهم المرتبات والا الايجارات والا قسط الطائرة ؟  
متشكرين يا سيد لترو جازو ..

**لترو :** خلاص ، تاخلووا ثلاثين في المائة ..

**رئيسة :** شكرا .. سلام عليكم ..

**لترو :** اربعين في المائة ..

**رئيسة :** لا ..

**لترو :** ( صارخا بلهجة تمثيلية ) .. انا يتقال لى لا .. ؟  
انا يتقال لى لا .. ؟

( الرجال على الفور يتشرون عن انيابهم ويفكون الازار  
الجاتات فتظهر الرشاشات ) .

**رئيسة :** ( تواجههم وهي ستمالكة لأعصابها تماما ) .. انتم  
قد الحركة دي ؟ .. الظاهر اني حاعلمكم شغلكم ..  
ما تطلعوش الرشاشات الا اذا كنتم ناويين  
لتخدموها .. ناويين لتخدموها .. ؟ ..  
انفضلوها .. ( تواجه لترو جازو ) .. اى حماقة

حان تركيها ، حان نام في ابو زهبل انت ورجالتك  
الليلة دي .. برك فكره عن ابو زهبل .. ؟

**لترو** : عندي ، ولسه اكرياته الجميلة مرسومة على  
ضهري .. شفت هناك ، الى ما شافوش سيدنا  
ابو .. خلاص يا مدام حسين في المائة ..

**رئيسة** : ( ساعده السلم ) .. شكرا .. السلام عليكم ..  
**لترو** : ( عاضيا ) .. الله .. الله هو مين فينا المافيا ؟

**جميل** : انت سايبانا ورايحة فين يا رئيسة .. ؟ خلصيني  
من التوقف ده .. انا موافق على احمسين في  
المائة ..

**رئيسة** : موافق بصفتك ايه ؟

**جميل** : بصفتي رب الاسرة ..

**رئيسة** : وانا ربة البيت .. والبتروول طلع في البيت مش  
في الاسرة ..

**لترو** : راضح انى وقعت في عش دبابير .. وقعت في ايد  
من لا يرحم .. طلباتك يا مدام .. عاوزه كام ؟

**رئيسة** : ثمانين في المائة .

**لترو** : حايرفدونى لو رحت قلت لهم الكلام ده ..

**رئيسة** : مش مشكلتى ..

**لترو** : خلاص يا مدام .. تعالى .. موافق ..

( يجلس معذلا بنود العقد بينما تعود رئيسة في  
خطوات منتصرة ) .

**رئيسة** : وربع مليون دولار مقدم تحت حساب النسبة ..

**لترو** : ( يرفع راسه اليها فتحدق فيه في تحد ) ..  
موافق ..

**رئيسة** : ( بعد لحظات ) .. وعشرين الف دولار مرتب  
شهري وزيهم للمهندس جميل ..

( يدعو عليه الاستياء ، ينظر في تساؤل غاصب  
لابراهيم ، ابراهيم يسارع بالرد ) .

**ابراهيم** : لا ، انا مش عاوز مرتب .. انا خدت حقى ..

**لترو** : لا انت عاوز .. بس خايف تطلب .. موافق  
يا مدام .. موافق ..

**رئيسة** : ( تتركه لحظة يكتب ، تفاجئه بهدوء ) ومرتب عشرة  
شهورم مقدم ..

**لترو** : ( بتوقف لحظة وكأنه يجرى عملية حسابية ) ..  
خمس شهور بس ..

**رئيسة** : مش حاكسك .. موافقة .. بس باقول لك ايه ..  
اوعى تكون بتفكر انك حانطها بعدين بانى اموت في  
حادثة .. حضرتك حاندينى وعد شرف .. ان  
ما يحصلش اى حاجة ..

**لترو** : ( يمد لها يده ) ايدك يا مدام .. وشرفى .. وشرف  
المهنة ، انا باعتبارك اخت وزميلة .. وشرفى وشرف  
ابويا الروحى ما حايجصل لك اى مكروه .. مش  
كده وبس .. انا مستعد ارفع مرتبك يبقى خمسين  
الف دولار في الشهر ، اذا حضرتك والفتى تشتغلى

رئيسة فرمنا في القاهرة .. بقي لنا ثلاثة شهور  
مش لاقيين حد ينفع في المنصب ..

رئيسة : والله العظيم لو كانت ظروفى تسمع لكان من عيني  
دى وعيني دى ..

لترو : ( وكأنه يرجوها ) .. طب مستشارة .. الورق  
يتعرض عليك في أى مكان في العالم وحضرتك تقولى  
رايك ..

رئيسة : ادبنى فرصة افكر ..

جميل : ( ينفجر ) سامع بنفسك يا مشكلانى ؟ .. عاوزه  
فرصة تفكر تشتغل في المافيا ..

لترو : وهو ده منصب قليل يا عزيزى ؟ .. صحيح ان فيه  
ناس بترقص النعمة برجليها لما تجيلها لحد  
عندها ..

ابراهيم : انا بصراحة شايف ان المدام بتحافظ على حقوقك  
بشكل يدعو للاعجاب ..

رئيسة : جرى لك ايه يا جميل ؟ ! .. يعنى شايفنى  
وافقت .. ؟

جميل : قلت له ادبنى فرصة افكر ..

رئيسة : انت عاوز تحرمنى من بحرية التفكير كمان ؟ ..  
ده انت تبقى ديكتاتور بقى ..

لترو : من فضلك انا ما عنديش وقت .. الخلافات  
الاسرية دى حلوها بعدين ..

جميل : انا وافقت على الحكاية دى عشان أعمل دولة ..  
أعمل بلد ، أعمل يوتوبيا .. أعمل حياة ..

( لترو جازو يبدو عليه انه لم يسمعه ، يشر لأحد  
الرجال فيعطيه حقيبة جلدية يضعها امامهم ) ..

لترو : آدى مليون دولار تحت حساب النسبة ..

جميل : فجأة لقيت الموضوع رايع في اتجاه تانى خالص ..  
انا شايف بيتى بيتخرب ومراتى بتفكر تشتغل في  
المافيا ..

لترو : ( مستعرج في تجاهل ما يقوله جميل ) .. ودول  
اتنين مليون دولار تحت حساب تكاليف الانشاءات ..

جميل : انا مش موافق .. ومش حامض على حاجة ..  
انا مش مستريح لكل اللى بيحصل ..

لترو : ( وكأنه لم يسمع شيئاً ) .. ودول مائتين الف دولار  
مرتب خمس شهور .. اتفضلوا حضراتكم وقموا  
لى على العقد ..

ابراهيم : ( يحدث جميل بصدق وحماس ) اللى هدفه عظيم ،  
مايبصش للسقاسف دى .. دى .. تقط سودا  
صغيرة جدا لايمكن تبان في الحلم الأخضر الجميل  
اللى بحجم الجبال ، اللى انت ناوى تبنيه ..

لترو : ( جادا تماما ) باشمهندس جميل .. اى حاجة في  
الدنيا تتحمل الهزار ، ما عدا الشغل في الجريمة ..  
حضرتك بصت لنا عشان مشروع معين وجينا ..  
وانفقنا .. فات وقت التراجع .. احنا ناس وقتنا

مش من ذهب .. لا .. من الماخذ .. أنا مقدر  
 الألم اللي بتشيعر بيه دلوقت .. لكن صدقنى  
 المسألة مش فظيعة زى ما حضرتك بتتصور ..  
 خيالك بس هو اللي بيكبرها .. الحياة هي  
 المادة الخام اللي بنشتغل فيها احنا الاثنيين ..  
 انت تعملها واحنا نستولى عليها .. أنا مش مجرم  
 ظهورات يا اخ جميل .. أنا محترف .. ومتعلم ..  
 معايا دكتوراه فى الاثروبولوجى .. واثبت فيها  
 بكل الدلائل والبراهين ، ان الأصل فى الانسان انه  
 حيوان حرامى .. واضح ان قراءاتك فى التاريخ  
 محدودة جدا .. التاريخ بيثبت ان كل المشاريع  
 الجميلة والأفكار النبيلة والأحلام العظيمة بتتولد  
 فى قلوب وعقول الحالمين الشرفاء وبعد ما ياخذ  
 الزمن دورته تستقر فى أيدي قطاع الطرق والأوغاد  
 زى ما بتسموهم .. الى ان يكتشف البشر  
 الخدعة .. خدعة الكلمات والسميات .. الخدعة  
 اللي بتبدي للجريمة أوصاف اخرى شريفة  
 وجميلة .. تقوم بتبدي من جديد حركة التصحيح ..  
 وهكذا .. هو ده قانون الحياة .. اتفضلوا  
 حضراتكم وقعوا ..

( لفظيات صحت .. رئيسة ، توقع ، ابراهيم يوقع ..  
 جميل بمسك بالقلم ) .

**جميل** : العقد من نسخة واحدة ؟

**لترو** : طبعا نسخة واحدة .. هو أنا مجنون اسبب  
 معاكم صورة منه ؟ ..  
 ( جميل يوقع )

**لترو** : شفت يا زميلى المسألة قد ايه سهلة .. زى شركة  
 الدبوس ..

( لترو ياخذ العقد ويطويه بحرص ويضعه فى جيبه ،  
 بمسك بعطف كبير يناوله لابراهيم ) .

**لترو** : انفضل يا استاذ ابراهيم ، ادرس الملف ده  
 كويس .. ونقد كل حرف فيه بدقة .. حضرتك  
 حقيقى المسئول الوحيد فدامى .. سلام عليكم ..

( بشير لرجالته : يخرجون بسرعة ، اصوات فتح  
 والغلاق ابواب سيارات ثم اصوات انطلاق مواتير ) .

**رلى** : بأقول ايه .. ( تفتح حقيبة ) .. انا مش حاوزاكم  
 تبعزقوا .. عثمان ما حدش يشك فينا .. اول  
 بند فى المناريف حاينفى ايه ؟

**ابراهيم** : الحصول على الموافقات ..

**رئيسة** : يعنى شوية رسوم ودمغات واكراميات و ..  
 والذى منه ( تخرج عدة رزم من اوراق البنكنوت )  
 أدى مائة الف دولار .. حاوزاك تصرف بحذر  
 يا ابراهيم .. جميل خيالى .. وايدته مخرومة ..  
 عن اذنتكم ، انا طالعة استريح شوية ..

( تحمل الحقائب وتمسك الى لرفتها )

**ابراهيم** : انا مش عارف من غيرها كنا حانعمل ايه .. انت  
 عندك خزنة خاصة بيك .. ؟

**جميل** : لا ..

**ابراهيم** : انا عندي .. حاخذ شوية الفكة دول احطيهم فيها ..

( ينظر حوله ، يجد جريدة ، يطويها على هيئة فرطاس ، يضع رزم البنكنوت فيه ) .

**ابراهيم** : انا حاسر الليلة دي على الملف ده .. وان شاء الله تبندى الشغل من بكره الصبح ..

**جميل** : ابراهيم ، مشروع المنظفات الصناعية ، بتاعك انت ورئيسة .. انا ماليش دعوى بيه .. انا مشروعى هو مؤسسة مصر العربية الزراعية .. عاوز تساعدنى فيه حاكون شاكر .. مش عاوز ، حادور على ناس تانية تساعدنى .. بس ارجوك ، فى كل الأحوال .. ما تكلمنيش فى اللى حصل الليلة دي .. حاتف معايا فى مشروعى ؟

**ابراهيم** : ( بحماس كاذب تماما ) .. يا راجل عيب تقول الكلام ده .. هو انت فاكرنى داخل اللعبة دي عشان الفلوس ؟ .. انا كمان باحلم بمصر عادلة .. جميلة .. خضرا ..

**جميل** : متشكر ..

**ابراهيم** : السلام عليكم ..

**جميل** : وعليكم السلام ورحمة الله وبركاته ..

( جميل يعود للوحة ، يخلق فيها بانكسار ، تظهر رئيسة .. تبدو اكثر المراد ، تتكلم كأننى حقيقية ) .

**رئيسة** : مش حانطع تنام يا جميل ؟

**جميل** : الأولاد ناموا .. ؟

**رئيسة** : الأولاد نايمين عند جدتهم من امبارح .. ما كانش ممكن اخليهم هنا واحنا بنتفق مع الجماعة ..

**جميل** : عندك حق .. هاتيهم بكره ..

**رئيسة** : خليهم الجمعة دي عند جدتهم .. المدرسين حابروحووا لهم هناك .. ويلاقوا حد يخدمهم ويأخذ باله منهم .. اصلى مش حاكون هنا .. طبعا اذا وافقت لى ..

**جميل** : اوافق لك على ايه ؟

**رئيسة** : حاقيب خمس ست ايام ..

**جميل** : حاتروحي فين ؟

**رئيسة** : سويرا .. احط الفلوس بتاعتنا هناك .. ولما نحتاج مبلغ ، يتحول لنا بالثلكس ..

**جميل** : حاتعرفى تعملى العملية دي ؟

**رئيسة** : لترو جازو حايكلف حد بقابلنى فى مطار جنيف ويودينى بنك محترم .. مضمون .. واطمن ، حافتح الحساب باسمى وباسمك ما حدش يضمن الموت من الحيا ..

**جميل** : لا ، الموت مضمون .. الحيا هى اللى مش مضمونة ..

**رئيسة** : مالك يا جميل ؟

**جميل** : لا ولا حاجة . تعبان شوية ..

**رئيسة** . طب اطلع ام .

**جميل** : مش حاجبى وم .. والظاهر مش حاعرف انام

من هنا ورايح .. دلوقت بس امنكرت جملة مش

فاكر قربتها زين .. خليك حذر وانت بتعلم ..

احسن احلامك تتحقق ..

( ببطء شديد تخفت الاضائة ، وببطء ، لنزل .. )

### الستار

## ● الفصل الثانى

## ● الشهد الأول

( غاية كيفية تلمح بين الأشجار عدة مكاتب وضمت  
يتصف بين الأشجار الكثيفة . كما تلمح أيضا بعض أجهزة  
التكييف معلقة على الأشجار في العمق . في مقدمة المسرح ذو  
مكان متسع الى حد ما ، وضع مكتبان وبالقرب منهما  
الأكسسورات التقليدية الموجودة في مكاتب المسؤولين  
الحكوميين . مقاعد جلدية ، دواليب حفظ الملفات . بالإضافة  
لجدوع الأشجار التي تستخدم كمقاعد . ثعبان ضخم ملتف  
حول شجرة في حالة سبات .. بين الحين والآخر نستمع  
لصيحات طيور حادة ، وأصوات حيوانات مفترسة ، حيوانات  
مفترسة تتجول في هدوء بين الأشجار لم تختف فجأة نستمع  
لصيحة طرزان الشهيرة ، طرزان يظهر ظنرا في الهواء مطلقا في  
هبل مجدول من الحصان النبال ، وينزل على الأرض وهو  
يواصل إطلاق صيحاته ) .

طرزان : أجوا شيتا .. انجاوا شيتا .. انجاوا ..

( تمخل شيباترى وقف بجواره ) .

طرزان : ( يرفع رأسه صائحا وكأنه يوجه صيحاته لأشخاص

في الأدوار العليا في مكان قريب ) .. هو وو هههه ..  
السادة موظفون ومسؤولو إدارة التيسير  
والتسهيل .. كل يوم تيسيرات جديدة .. كل  
يوم تيسيرات وتسهيلات جديدة .. كل يوم  
بتصدروا قوانين وقرارات بتيسيرات وتسهيلات  
جديدة .. لحد ما عيشتنا بقت صعب قوى ..  
صعب جدا .. هووووهههه .. القرار ٢٤٦ الصادر  
في ١٣ يناير سنة ١٩٥٤ والذي يفضى بتحويل  
أسود الغابة الى أرانب والذي تولت تنفيذه الكلاب.  
تحت اشراف المكتب التنفيذي للشعالب .. القرار  
ده .. واجه صعوبات عند التنفيذ .. فاصدرت  
ادارة التيسير والتسهيل القرار رقم ٢٥٧ لسنة  
١٩٦٠ لتيسير وتسهيل عملية التحويل ..  
واسندت عملية التنفيذ للمجلس القومي للذئاب ..  
غير أن قرار التيسير والتسهيل المذكور .. نتجت  
عنه صعوبات جديدة ، اضيفت للصعوبات القديمة  
.. وكانت النتيجة أن الأسود تحولت فعلا الى  
أرانب .. ولكن الأرانب لم تتحول الى أسود ..  
وهو ما لم يقصده المشرع ، وعكس المقصود تماما  
من القرار ٢٤٦ في ١٣ يناير ١٩٥٤ .. السادة  
موظفو ادارة التيسير والتسهيل ، انا طرزان ..  
المستول الوحيد عن الغابة .. باطلب من حضراتكم  
التوقف فورا عن اصدار اى قرارات بتيسيرات  
او تسهيلات جديدة .. بلاش تسهلوها علينا ..  
انا بأقول لكم اهو بشكل واضح .. بلاش تيسروها

بلاش تسهلوها .. سيبوها صعبة ، عشان ربنا  
يسهلها .. هووووهههه .. ( يلتفت حوله باحثا عن  
شيئا ) شيئا ، انجاوا .. انجاوا شيئا .. ( شيئا  
تأني وتمسك بذراعه ) .. ارفعوا مخالبتكم عن  
الغابة .. هووووهههه ..

( يخرج مرددا كلماته وصيحاته ، يدخل ثلاثة رجال ،  
اثنان منهم يرتديان ملابس المرضين والثالث واضح من هيئته  
انه طبيب .. يرتدى معطفا ابيض انيقا ، يدخلون مسرعين ،  
يتلفتون حولهم وكانهم يبحثون عن شخص ما ) .

**ممرض :** مش هنا يافندم .. جايز طلع على الشارع ..

**الطبيب :** لو طلع على الشارع حايعمل مصايب .. ربنا  
يستر .. طب ادخل يا عبده دور عليه جوه الغابة  
في الناحية دى .. وانت يا عبده دور في الناحية  
دى .. انا حاطلع المبني ادور عليه بنفسى ..

( يخرجون مسرعين ، يدخل جميل ، يتامل المكان في  
عدم تصديق ، يفاجا بصيحة طرزان قائدة من بعيد .. طرزان  
يردد شكواه قبل أن يدخل الى المسرح ) .

**طرزان :** وكل قرار بتصدره ادارة التيسير والتسهيل ..  
لتيسير وتسهيل تنفيذ القرارات اللي نشأ عنها  
صعوبات ، واللى هي كانت اصلا معمولة عشان  
تيسير وتسهيل تنفيذ القرارات اللي قبلها ..  
بيتضح لنا في الاخر انها بتخلى الحياة اصعب من  
الأول .. للدرجة ان الحياة اصبحت على وشك  
انها تصبح مستحيلة .. بل هي اصبحت مستحيلة  
فعلا .. ( بوجه سؤاله لجميل ) .. هل كلامى  
واضح ؟



**جميل** : ( بعلر ) .. واضح جدا ..

**طرزان** : امال ما حدش فاهمنى ليه ؟ تفتكر انهم مش اذكيا  
بما فيه الكفاية لدرجة انهم يفهموني ؟

**جميل** : الفهم مالوش صلة بالذكاء او بالغباء .. الفهم  
رغبة .. لو عندهم رغبة يفهموا .. حايهموا ..  
( ملاطفا ) بس .. مش نتعرف في الأول .. أنا  
مهندس جميل عبد الحق .. حضرتك مين ؟

**طرزان** : ( ساخرا ) هه .. حضرتي مين ؟ .. أهو ده  
اسخف سؤال سمعته في حياتي .. واحد لابس  
عربان .. وماشي في غابة ومعاه شمانزى ،  
واسمها شيتا .. وبيزق ويقول ( صائحا ) ..  
هو ووهه يبقى مين ؟

**جميل** : طرزان ..

**طرزان** : عليك نور ..

**جميل** : وايه اللي جابك هنا .. ؟

**طرزان** : سؤال اسخف .. ده مكانى الطبيعى .. ايه اللي  
جابك انت ؟

**جميل** : معلش .. ارجوك ! خدنى على قد عقلى ، أنا  
غريب .. وواحد صاحبي ادانى ميعاد هنا ( يقرأ في  
ورقة صغيرة ) ٦١٤ شارع النيل بالجيزة ..  
مش هو ده ؟

**طرزان** : هو فعلا .. ادارة التيسير والتسهيل ..

**جميل** : دي ادارة التيسير والتسهيل ؟

**طرزان** : ايوه .. واضح انك اول مرة تيجى هنا .. الحكاية  
يا سيدى ان القصر ده .. ( يشير الى الكالوس  
الأسير ) كان بتاع ابراهيم باشا .. القائد المصرى  
العظيم ابن محمد على باشا ، استولت عليه الحكومة  
بالقرار ٢٣ لسنة ١٩٥٢ .. كان قصر عظيم  
جدا .. والحديقة بتاعته كانت اشبه بغابة صناعية  
.. زى ما انت شايف .. مكونة من مجموعة  
اشجار ونباتات نادرة ، ابراهيم باشا جمعها من  
المعالم كله .. كل سنة الحكومة تعين موظفين  
جداد .. لحد ما القصر ضاق على الموظفين اللي  
فيه .. ما اصبحش فيه خرم ابرة يحطوا فيه  
موظف جديد .. فبدأ العدوان على الحديقة ..  
بدأوا يحسروا المكاتب في الغابة زى ما انت  
شايف ..

**جميل** : بس انا ملاحظ ان فيه حيوانات حقيقية ..  
حيوانات فعلا .. وفيه ثعبان نايم أهو ..

**طرزان** : لا .. دول مش تبع ادارة التيسير .. دول من  
حديقة الحيوانات ..

**جميل** : وايه اللي جابهم هنا . ؟

**طرزان** : حديقة الحيوان وراء القصر على طول .. وفيه نزاع  
بين ادارة الحديقة وادارة التيسير على الغابة  
دي .. نزاع وصل للمحاكم ، ادارة التيسير بتقول  
الغابة بتاعتنا ، لأنها تبع القصر .. وادارة الحديقة  
بتقول لا .. الغابة تبعا .. واحنا المسئولين عن

الإشراف عليها طول عمرنا .. حديقة الحيوانات  
عشان تحسم الموضوع لصالحها هدت السور  
اللى بينها وبين ادارة التيسير ، عشان تحطهم قدام  
الأمر الواقع .. فكانت النتيجة زى ما أنت شايف  
الحيوانات بتتمشى بين مكاتب الموظفين .. وطبعاً  
ينشأ عن كده مآسى وأذية جامدة جدا ..

**جميل :** والموظفين ازاي يسكتوا على الوضع ده ؟

**طرزان :** انت فاهم مين اللى بيدى التانى ؟ .. الموظفين هم  
اللى بيأذوا الحيوانات ، عشان يضغطوا على ادارة  
الحديقة فتقوم تنازل عن مطالبها .. ومع ذلك  
مش دى المشكلة .. ( تتغير لهجته ، وكأنه يسر  
اليه بموضوع خطير ) .. المشكلة ان فيه مصح  
استثملى نفسى لازق فى القصر من الناحية  
التانية ..

**جميل :** ( يردد الكلمات ببطء وقد بدأ يحدث شخصية  
محللة ) .. مصح استثمارى نفسى .. لازق فى  
القصر من الناحية التانية .. !

**طرزان :** أيوه ( مشيراً للكالموس الأيمن ) .. أهو .. المرضى  
النفسيين والعقليين بينطبوا من على السور ،  
وتمشوا فى الغابة ووسط المكاتب ..

**جميل :** يتمشوا فى الغابة ؟ !! ووسط المكاتب ؟ !

**طرزان :** أيوه .. يعنى باختصار ، حيوانات الغابة فى وضع  
لا يحصلوا عليه ..

**جميل :** ( وقد بدأ يداخله الخوف ) .. أفهم من كده ان

بعض المرضى .. يعملوا .. مثلاً يعنى مثلاً .. أنا  
ياقول مثلاً .. يعملوا طرزانات ..

**طرزان :** مفيش فى القاموس كلمة طرزانات .. الكلمة دى  
مفرد .. مالهاش جمع .. فيه طرزان واحد على  
الأرض .. اللى هو أنا .. أنا بس اللى بادافع عن  
الحيوانات فى الغابة .. عندك استعداد تنضم لى ..

**جميل :** كان بودى والله .. بس يعنى ظروفي ..

**طرزان :** إمال انت بتدافع عن ايه ؟

**جميل :** أنا باشتغل ..

**طرزان :** ( مقاطعاً فى غضب ) أنا ما سألتكش بتشتغل  
ايه .. أنا سألتك بتدافع عن ايه ؟ .. اى انسان  
لازم يبقى عنده حاجة يدافع عنها ..

**جميل :** أنا بادافع عن البشر .. البنى آدمين ..

**طرزان :** ضد مين ؟

**جميل :** ضد بعض البشر ..

**طرزان :** قضيتك مش واضحة زى قضيتى .. السلام  
عليكم .. أنجاوا شيئاً .. أنجاوا شيئاً ..

( الشمبازى تانى وهى تثب فى مرج ، يخرج بها وهو  
يطلق صيحه ، على اللورد يدخل الطبيب والمرضان ) .

**الطبيب :** ( وهو ينظر لجميل فى ريبة ) .. حضرتك موظف  
هنا ؟

**جميل :** لا ..

الطيب : أمال انت مين ؟

جميل : وانت مالك ..

الطيب : ممكن اشوف بطاقتك ..

جميل : ممكن .. بس بعد ما اشوف بطاقتك ..

المريض : ( يتدخل هاسا في اذن الطيب ) .. مش تبعدنا ده  
يا فندم .. انا عارفهم بالواحد ..

الطيب : متأكد ؟

المريض : متأكد يا فندم ..

الطيب : ( لجميل ) .. انا آسف يا حضرة .. اصلنا  
بندور على واحد جنونه خطر .. ما شفتش حد  
سلوكه غريب أو مريب ؟

جميل : شفت .. وخرج دلوقت من هنا ..

الطيب : شكله ايه .. ؟

جميل : طرزان ..

الطيب : وده شكله غريب والا مريب ؟ .. مش اللي بيقول  
( صائحا ) هو ووده .. وماشى معاه شمبانزى ؟

جميل : ابوه ..

الطيب : وده غريب والا مريب في ايه .. ده شخص واضح  
جدا .. طرزان .. أقصى حاجة بعملها ، يهوهو ..  
مفيش اى خطر من اى حد بيهوهو .. ما شفتش  
حد تانى .. من النوع اللي مش بيهوهو ؟

جميل : لا ..

الطيب : ( يصدر أوامره للممرضين ) طب روح يا عبده دور  
في الاتجاه ده .. وانت يا عبده دور في الاتجاه  
ده .. وانا حادور في الاتجاه ده ..

( يخرجون مسرعين ، جميل يجلس على جذع شجرة ،  
دب يدخل قاطعا المسرح في ثالثل ويطء ، جميل يطلق عيته  
ويهمس ببعض الادعية ) .

جميل : ( في اللحظة التي يتأكد فيها من خروج الدب )  
وعليكم السلام ورحمة الله وبركاته ..

( يدخل اسد ، جميل يتجهد جالسا في مكانه ، الاسد  
يقف امامه بلا حراك ) .

جميل : ( بكل ما يملك من هدوء ورقة ) .. طرزان كان هنا

من شوية وسأل عليك ، وسألك رسالة .. قال  
لما تيجى ، تحصله .. الظاهر فيه مشكلة عند  
النمر .. عارف ان جسمي كله بيتنفض دلوقت ؟ ..  
ومع ذلك أنا مضطر اتكلم معاك بكل رقة وبكل  
هدوء .. لو اظهرت لك فزعى منك .. حاصحى  
فيك مشاعر الغابة .. اللي تلاقبك كنت نسيته ..  
لو حركت دراعى ، لو عملت اى حركة ، ممكن  
حضرتك تفهمها غلط .. ونقرا بكره بالخط  
العريض .. حادث مؤسف في ادارة التيسير  
والتسهيل .. مش احنا اللي حانقرا طبعاً ، حد  
تأنى .. عارف أنا متميز عنك بايه ؟ .. للأسف  
بنعمة العقل ، وحضرتك لحسن حفظك ، ما عندكش  
لأن العقل في موقفنا ده ، ما يعتبرش ميزة ..

دخلت في رجلك يا عزيزي ؟ .. وريني كده ..  
( يغمض قدمه )

**جميل** : فين ؟ .. فين ؟ مفيش شوكة ولا حاجة ..  
يا راجل .. ده انت مرفه قوى .. دى برضه  
بتعتبرها شوكة ؟ ( ينظف له قدمه ) .. مفيش  
حاجة يا راجل .. انت بس تلاقيك بتمشى حافي  
في مكاتب الموظفين ..

( الأسد يتعمد عنه ، يخرج من المسرح بيظه ، يدخل  
ابراهيم مشكلا ) .

**جميل** : ايه يا ابراهيم ؟ اتاخرت ليه ؟ .. معقول تسيبني  
لوحدى في المكان المفزع ده .. ؟

**ابراهيم** : مفزع في ايه ؟ .. آه .. ده انت تلاقيك اتهمالك  
انها غابة فعلا .. اصل الحكاية ايه يا سيدي ..

**جميل** : ما تحكييش ، طوزان حكى لي ..

**ابراهيم** : انت قابلته .. راح فين .. ده انا عاوزه  
ضروري ..

**جميل** : ليه ؟

**ابراهيم** : ده راجل معجزة ، حافظ كل ارقام وتواريخ القوانين  
والقرارات اللي صدرت في مصر .. لما بنختلف في  
حاجة انا وزملائي ومابتلاقيهاش في المراجع ..  
بترجع له .. مفيش اخبار من رئيسة . ؟

**جميل** : كلمتني مرة من جنيف .. ومرة من باريس ..  
وماقاتلش بتعمل ايه ..

الميزة هي القوة .. القوة المجردة من العقل شوف  
يا عزيزي .. انا حاقعد اتكلم معاك على طول .  
لا يجب ان يتوقف الحوار .. عندما يتوقف  
الحوار ، يبدأ القتال .. يمكن تحصل معجزة ..  
حد يظهر فجأة ومعاها بندقية .. يفتعك رصاصه  
بين عنيك العسلية الحزينة دى .. يخلص عليك  
زي ما بيحصل في الأفلام .. أو اصحى من النوم  
ويتضح لي ان كل اللي مر بي كابوس .. أو تكور  
شبعان وتسيبني وتمشى ، وفي الحالة دى أوعده  
اني مش حادخل المكان ده تاني .. قررت ايه ؟  
انا اقول لك .. في جزء من الثانية حاتمدا ايدك  
اليمن أو الشمال وتاكلني واحدة على وشي تخلص  
على وعلى كل أحلامي .. تخلص على وعلى  
الجمهورية اللي ناوي اعلمها . يا عزيزي ما فيش  
داعي تضيق وقتك ووقتي ما تعذبنيش .. اتفضل  
مد ايدك واضرب ..

( بيظه شديد ، الأسد يرفع قدمه اليمنى الامامية  
جميل يغمض عينيه منتظرا الضربة ) .

**جميل** : ( هامسا ) .. اشهد الا اله الا الله .. وأن محمدا  
عبده ورسوله .. انا لله وانا اليه راجعون ..

( الضربة لا تحدث ، الأسد يثبت قدمه امام وجه  
جميل ) .

**جميل** : مش ممكن .. مش معقول .. التاريخ بيعلم  
نفسه .. نفس الحدوتة القديمة .. اندروكليوس  
والأسد .. فيه شوكة في رجله .. فيه شوكة

ابراهيم : ما تقدرش تقول لك في التليفون ..

جميل : والأولاد برضه بيكلموني بالتليفون من عند جدتهم ..  
ما شفتهمش من أسبوعين ..

ابراهيم : مارحتش تشوفهم ليه ؟

جميل : أمتي يا ابراهيم ؟ .. أمتي .. ؟ ما أنا شغال في  
المشروع ليل ونهار ..

( تدخل سيده لها نشر ملاح رئيسة ، نريحتها  
مختلفة ، ماياها مختلف ) .

السيدة : ماحدثش جه من الموظفين ؟ ..

جميل : ( صائحا في دهشة ) رئيسة ؟ !!

السيدة : أفندم .. !! !

جميل : جيتي أمتي ؟

السيدة : ( تنظر له بخوف ) حضرتك مين ؟

جميل : أنا مين ؟ .. أنا جميل يا رئيسة .. مش  
عارفاني ؟ ..

السيدة : ( تكاد تصرخ ) .. أبعده عني .. أبعده عني .. أبعده  
عني ..

ابراهيم : ميش هي يا جميل .. مش هي .. احنا آسفين  
جدا يا مدام .. حقيقي حضرتك نسخة من رئيسة  
الخالق الناطق .. حصل خير .. حصل خير ..

السيدة : رئيسة مين ؟ و حضرتك مين . ؟ وهو مين ؟

ابراهيم : احنا جاينين نقدم مشروع استثماري ..

السيدة : مشروع ايه ..

ابراهيم : مشروع مصري ابطالى مشترك لعمل شركة منظمات  
صناعية ..

السيدة : آه .. عندي فكره عنه ..

( نخرج بينما جميل يعطى فيها طهولا ) .

جميل : سبحان الله .. ممكن الشبه بينهم ، يكون للدرجة  
دي .. ؟

ابراهيم : يخلق من الشبه أربعين .. يبقى لسه حاتقابل  
تسعة وتلاتين .. ها ها .. واضح ان مراتك  
وحشتك قوى ..

جميل : وانت واضح ان مزاجك رايق قوى ..

ابراهيم : لا والله .. بس انا عاوزك تروق .. احنا لسه  
مشوارنا طويل .. اسمع يا جميل .. انا لازم  
اسيبك دلوقت ..

جميل : تسييني ؟ .. تسييني وتروح فيني ؟

ابراهيم : مشوار مهم جدا .. حاقولك عليه بعدين .. انت  
كل المطلوب منك انك تسلم الملفين دول ..  
( يعطيه الملفين ) للأستاذ تيسر .. ( يشير لأحد  
المكاتب ) .. وده مكتبه .. هو كل دوره انه  
يستلم بس ..

جميل : احنا مش اتفقتنا يا ابراهيم انك انت اللي حاتتولي  
كل حاجة .. ؟

**ابراهيم :** ما هو انا فعلا اللى حاتولى كل حاجة .. انت حاتسلمهم بس .. ( ينظر فى ساعته ) .. ياه .. ده انا اتأخرت قوى .. سلام عليكم ..

( صيعة طرزانية نسمع بداية حوارده قبل دخوله الى المسرح ) .

**صوت طرزان :** ( غاضبا ) .. ما هي اصلها غابة .. بقت غابة .. قدامى يا سامبو .. قدامى ..

( الاسد يدخل وخلفه طرزان ) ..

**طرزان :** قدامى .. وربنى مين اللى ضربك .. شاور لى عليه .. وانا حاعرف أشوف شغلى معاه ..

**جميل :** هو فيه حد ضربه . ؟

**طرزان :** أبوه .. تقيه واحد موظف ضربه بعصاية على دماغه .. ( يتحسس مكان الضربة فى رأس الاسد ) .. اهي .. مكلكة اهي ..

**جميل :** ( وكأنه يتحدث بود وغضب مع صديق قديم ) .. وانت سكت له ليه لما ضربك يا سامبو .. ؟ هه .. ؟ سكت له ليه ؟ .. أنا لو منك كنت كلته .. كنت قطعنه حتت ..

**طرزان :** ليه ؟ .. هو احنا فى غابة عشان كل واحد ياخذ حقه بمخالبه ؟ .. والاهم فاكرين انها غابة ؟ ! دى حديقة .. وده أشير فى الحديقة .. وله كل حقوق الأسير طبقا لكل الاتفاقيات والمعاهدات الدولية .. عشان كده أنا منبه عليهم ، أى حد يعمل فيهم حاجة ، يجوا يقولوا لى .. ( موجها

حديثه للأسد ) .. يالله .. قدامى .. شاور لى عليه من بعيد .. هوروده .. ( يخرجان )

**جميل :** ربنا يعدى النهارده على خير ..

( يدخل الأستاذ نيسر ، كتيب ، مكتب ، من التواضع انه لم يتسم منذ اعوام .. يجلس الى مكتبه ) .

**جميل :** تيسير بك .. ؟ ..

**نيسر :** حضرتك عاوز تيسر مين ؟ .. تيسر عبد الباقي والا تيسر جديد ؟ ..

**جميل :** أنا عاوز اسلم الملفين دول .

**نيسر :** مشروعات ايه ؟

**جميل :** واحد زراعى .. وراحد صناعى ..

**نيسر :** الصناعى عندى .. مستوفى ؟

**جميل :** مستوفى ..

( يساوله الملف ، يتصلحه بالكتشاب ) .

**نيسر :** اذا ما تمتش الموافقة طبقا للتون ٣٦١ لسنة ١٩٧٢ هل تفضل انك تعامل بعرجب القانون ٧٤١ لسنة ١٩٧٣ والا بالقانون ٦٤٦ لسنة ١٩٤٦ ؟

**جميل :** ( اقرب الى المرح ) .. اللى تشوفه حضرتك .. حضرتك شايف ايه ؟

**نيسر :** مالکش دعود باللى انا شايفه ..

**جيميل** : يعنى هل حضرتك تعتقد ..

**تيسير** : ( مقاطعا ) .. مالكش دعوه باللى باعتقده .. انت مش جاي تناقش معتقداتى .. احنا بنتكلم فى القانون ..

**جيميل** : مستشار الشركة القانونى هو المسئول عن مناقشة المسألة دي ..

**تيسير** : هو انت مش المستشار القانونى ؟

**جيميل** : لا ..

**تيسير** : امال بنتكلم فى المسائل القانونية ليه ؟

**جيميل** : آسف .. آسف لتسرعى ..

( لعطات بينما يواصل تيسير تصلح الف ) .

**تيسير** : منظمات صناعية ليه .. ؟ .. اشمعنى يعنى منظمات صناعية ؟ .. هو العالم ناقص منظمات صناعية ؟

**جيميل** : دراسة الجدوى بتقول كده ..

**تيسير** : ( لا ينظر لمحدثه طول اللقاء ) .. وليه مصرية ايطالية .. ليه ما تكونش مصرية انجليزية .. او مصرية فرنسية .. او مصرية أمريكية ..

**جيميل** : حضرتك تفضل ايه ؟

**تيسير** : حضرتك مالكش شأن باللى أفضله .. حاستوردوا خامات ايه ؟

**جيميل** : مش حاستوردوا أى خامات ..

**تيسير** : آه .. مش حاستوردوا أى خامات .. معنى ذلك هو حرمان الخزانة العامة من فلوس الجمارك اللى كان ممكن تحصل على الخامات المستوردة ..

**جيميل** : يافندم ، حتى لو استوردنا خامات من بره ، ماكناش حاندفع عليها جمارك .. لانه حايعاد تصديرها ..

**تيسير** : حضرتك بنتكلم بثقة شديدة جدا .. مين بقى اللى يضمن ، اننا مش حانصدر قانون يفرض جمارك على الخامات اللى يعاد تصديرها .. ؟

**جيميل** : ماحدثش يضمن .. ومع ذلك لحد دلوقت ، ما صدرش القانون ده ..

**تيسير** : يعنى الخامة اللى حاستخدموها .. محلية ؟

**جيميل** : ان شاء الله ..

**تيسير** : هى ايه .. ؟

**جيميل** : التراب ..

**تيسير** : ( يصرخ كاللدوغ ) .. الايه .. ؟ التراب ؟ .. التراب .. تفنكر بقى مين مسئول فى مصر كلها يوافق على التخلي من ذرة واحدة من تراب أرض الوطن .. ؟

**جيميل** : ( يفقد أعصابه ) .. آه .. ده انت عاوز بقى تلفق لى قضية خيانة عظمى .. عاوز تطلعنى من هنا على جبل المشنقة .. انا مش باتكلم عن تراب أرض الوطن .. انا باتكلم عن التراب اللى فى الجو واللى مالى

أشوارع .. التراب اللي بتكنسه الكناسين ..  
حناخده ويعامل معاملة كيميائية معينة .. فيتحول  
لنظف .. عشان كده بنسميه منظف صناعي ..

والكناسين نوديبهم فين ؟ نودي فين كل مسنولي  
النظافة في العاصمة .. ؟ .. نرحبهم ؟ .. نديهم  
إعانة بطالة ؟ ندمر السلام الاجتماعي عشان  
خاطر حضرتك انت وأصدقائك الطلائنة .. ؟  
إدارات وأقسام .. وهيئات واتفاقيات ومنع  
وقروض .. هرم .. بناء شاق من المسؤولية  
والمسؤولين والمربيات والملازات والمكافآت  
والحوافز ..

حايشتغلوا معنا .. حايتمعمل لهم برنامج تدريب  
ويشتغلوا معنا .. ومع ذلك احنا مش حانستهلك  
التراب كذا .. حانسيب لهم مناطق يكتسوها ..

حضرتك منصور ايه انت واسحابك الطلائنة ..  
جايبين مستثمروا ، والا جايبين تتحكموا في مصائر  
خلق ان .. رتسيبوهم شغلهم ؟ .. انتم جايبين  
تزودوا ساكننا ؟

( محاولا التمسك بهدوئه ) .. يا هريرى ..

( ساخطا ) .. يا اخي بلا عزيزك بلا بناع .. حرام  
عنيكم .. خلوا في قلوبكم رحمة ..

( بلهجة بلردة وقد افلح في السيطرة على  
أصابعه ) .. تيسير بك عبد الباقي ..

تيسير : مش انا تيسير عبد الباقي .. انا تيسير جديد ..  
جيميل : تيسير بك جديد .. انا بالكلمك من البداية بكل  
تهذيب .. أرجوك ماتخرجنيش عن وعبي .. مافيش  
داعي للاهانة .. المشروع قدامك .. استلمه  
او ارفضه ..

( المؤلف بهنا ، تيسير يعود لتصلح الملف صامتا ) ..

تيسير : الموافقات مش كاملة ..

جيميل : عندك كل الموافقات .. عندك ٢٢ موافقة بما فيها  
الدفاع والآثار ..

تيسير : ( بهدوء شديد ) .. اهم موافقة مش موجودة ..  
موافقة جهة الاختصاص ..

جيميل : اللي هي ؟

تيسير : مجلس ادارة جبل المقطم ..

جيميل : مجلس ادارة جبل المقطم ماله ومال المشروع  
المشروع في الجيزة ..

تيسير : ( ببرود وتأييب ) .. التراب اللي حاليستخدموه ..  
جاي منين ؟ .. مش من جبل المقطم .. ممكن  
يفاجئوننا ويشجروا جبل المقطم .. فجأة يخفروا  
التراب .. يقف المصنع ويبيض المشروع ..  
وترجعوا تقولوا الموظفين بوظفوا الانفتاح .. لابت  
من موافقتهم ..

تيسير : ( نائما ) .. حاضر .. ( يمد يده فيعطيه تيسير  
الملف ) .. متشكر ..



( يستدير ليخرج في خطوات مهزومة ، فجأة يتفجر  
تيسير في الضحك بفرح ) .

تيسير : هاها .. تعالى يا جميل بك ..

( جميل يستدير مشغوها ) .

تيسير : اتفضل .. تعالى .. ورقك سليم وكامل ومستوفى  
كل الشروط والموافقات ..

جميل : ولما يشجروا جبل المقطم ..

تيسير : هاها .. اسمعنى يعنى نعو اللي حايشجروه ..  
دى اشاعات باسمعها من ايام ما كنت فى ابتدائى ..  
اتفضل اقعده ، تشرب ايه .. ؟ لكن ايه رايبك مش  
انا عامتلك بزالة . ؟

جميل : ده اللي حصبل فعلا .. فرفتنى فى عيشتى ..  
كرهتنى فى الدنيا ..

تيسير : هاها .. اصل يا سيدى جت لنا تعليمات اتنا نتأكد  
من جدية اصحاب المشاريع ..

جميل : تقوموا تعاملوهم بالوحشية دى .. ؟

تيسير : حانصل ايه ؟ .. فيهم ناس مش جادين .. وناس  
نصابين .. لكن براقو عليك ، انت انسان جاد  
جدا فى مشرومك .. ولذلك استحملتني ..

جميل : متشكر ..

( يدخل الاسد ساجبو ، يمد يده ويلبس كفا تيسير ) .

تيسير : امشى .. امشى .. امشى .. امشى ..

ما تلمنيش ، انا متوقى .. اما انك اسد ..  
وزل صحيح .. امشى يا اخى .. ( مناديا )  
يا طرزان ..

( الاسد يجرى على الفور خارجا من المسرح ) .

تيسير : ( وهو يترك مكتبه ) .. انا حاطع دلوقت ادخل  
المشروع اللجنة .. عشان نضمن انها توافق  
النهارده .. والا حانضطر نستنى للجمعة الجايه ..

جميل : والمشروع الزراعى .. ؟

تيسير : لو مجاش الأستاذ تيسير عبد الباقى ، انا اللي  
حاستلمه منك .. انا كل همى تلحق اللجنة دلوقت  
عشان المشروع ده ما يتأخرش .. مش حافيب ..

جميل : حفيقى انا متشكر جدا .

( تيسير يخرج سرعاً ، على الفور يدخل الطبيب  
والمرمسان ) .

الطبيب : لسه ماشفتش حد غريب والا مريب ؟

جميل : كل حاجة هنا انا شايفها غريبة ومريبة ومدهشة  
ومفرجة ومدهلة ومحبطة ومشجعة ، ولو حد حكى  
لى عليها مش حاصدقه ، ولو شفتها فى فيلم  
او مسرحية حاقول انها مش واقعية وكل لللى  
بيحصل لى انا مش مصدق انه بيحصل لى .

الطبيب : ( وقد بدا يداخه الشك ) .. بيحصل لك ايه ؟

جميل : وانت مالك ؟

**الطبيب :** ( هامسا لأحد المرضى ) أنت متأكد انه مش تبعنا يا عبده .. حقق في وشه كويس .

( المرضي يحدث في وجه جميل عن قرب ثم يعود الطبيب ) .

**المرضي :** مش تبعنا يا فندم .. انا متأكد ..

**الطبيب :** بيتكلم زي الجماعة اللي تبعنا ..

**المرضي :** جازي يبقى تبعنا بعدين ، بس لحد دلوقت ، انا متأكد انه مش تبعا ..

**الطبيب :** طب اطلع يا عبده دور في الناحية دي .. وانت يا عبده دور في الناحية دي .. وانا حادور في الناحية دي .. المرة دي لازم نلاقيه : والا حايعمل مصايب ..

( يخرجون من ثلاثة اتجاهات مختلفة ، يدخل ابو طلوة ، مهلب ، اتيق ، ينتمى لذلك النوع من البشر اللي تنق به عندما تراه لأول مرة ، يعمل في يده لغة صغرية ) .

**ابو طلوة :** آسف .. اتأخرت عليك ..

( يجلس الى المكتب )

**جميل :** تيسير بك عبد الباقي ؟

**ابو طلوة :** لا .. تيسير بك في اجازة .. انا علاء ابو العلا .. واصدقائي يسمونى ابو طلوة .. تحت امرك ..

**جميل :** انا جاي اسلم مشروع اتشاء قرية زراعية في الصحراء ..

( يناوله الكاف )

**ابو طلوة :** ( يتصفح الملف ) .. ربنا يبارك لك في عقلك .. ربنا يبارك لك في سحتك .. ربنا يبارك لك في اولادك وفي اهل بيتك .. ربنا يسترها معاك دنيا وآخرة .. ده مشروع جميل .. وعادل .. وخير ..

**جميل :** يا فندم انا متشكر جدا ..

**ابو طلوة :** ماتقولش يا فندم .. قل لى يا ابو طلوة .. عشان اناديك ( يراجع اسمه في الملف ) يا .. يا جميل ..

**جميل :** محك المشروع ؟

**ابو طلوة :** اذهلى .. انا دلوقت بس تاكدت ان مافيش خطر على مصر ..

( الاسد يمد لجمه لى هدوء لابي طلوة الذي يناوله اللثة ) .

**ابو طلوة :** النهارده يا سامبو .. اتصرفت لك في لحمه راس .. ( الاسد ياخذ اللثة ويبتعد لى نفس اللحظة التي يدخل فيها طرزان ) .

**طرزان :** ( يؤنب الاسد غاضبا ) عيب يا سامبو .. عيب .. آخر مرة تعملها .. فاهم ؟ .. آخر مرة تعملها .. قلت لك ألف مرة ماتمدش ايديك لحد ..

**ابو طلوة :** حايعمل ايه بس يا طرزان ؟ .. جعان .. مش كفاية الألم النفسى اللي بيحس بيه وهو بيمد ايده .. تفتكر يعنى حايعمل ايه . ؟ !!

**طرزان :** يعالج نفسه بالايحاء الذاتى .. لازم يقول لنفسه ..

أنا أسد .. أنا أسد .. أنا أسد .. أنا ملك  
الحيوانات .. أنا ملك الغابة .. عيب إمد إيدي  
لحد ..

**أبو علوة** : تلاقيه حاول وما جابتش نتيجة .. وعموما يا صديقي  
طرزان .. هو مامدش أيده لحد غريب ..

**طرزان** : ما هو انت حالك من حالنا يا أبو علوة .. يعني  
انت حاجيب منين ؟

**أبو علوة** : أنا انسان برضه .. يعني أعرف أتصرف .. أعرف  
أتحايل .. آخذ من هنا .. آخذ من هنا ..  
بس هو لا ..

**طرزان** : ( مخاطبا الأسد ) قدامي يا سامبو .. بالله بينا ..  
( يخرجان )

**أبو علوة** : اهو كل يوم أتصرف له في سندوتش ..

**جميل** : شيء محزن .. لما مد لي أيده .. ما تصورتش  
أنه طالب مساعدة .. افكرت فيه شوكة دخلت  
فيها ..

**أبو علوة** : هاها .. لأنك مثقف .. افكرت اندروكليس  
والأسد .. كان لازم تفكر ببساطة .. واحد بيمد  
أيده .. يبقى إيه ؟ .. يبقى جعان .. هاها ..

( ياخذ في تصليح الملف )

**أبو علوة** : رأسمال المشروع منين ؟

**جميل** : مصري ..

**أبو علوة** : ( مستمر في مراجعة الملف ) أسهم .. ؟

**جميل** : فلوسى .. ولما تنجح القرية دي .. حاعمل قرية  
تانية .. حازرع خمسة مليون فدان ..

**أبو علوة** : خمسة مليون فدان ؟ .. ده انت عاوز تعمل مصر  
تانية ..

**جميل** : بالضبط ..

**أبو علوة** : ربنا يبارك لك في مشروعك .. مصر شعبانة ؟

**جميل** : أيوة ..

**أبو علوة** : خضرا .. ؟

**جميل** : أيوة ..

**أبو علوة** : قوية ؟

**جميل** : أيوة ..

**أبو علوة** : مزهوة .. ؟

**جميل** : أيوة ..

**أبو علوة** : مصر العقل والمعمل والمكتبة ؟

**جميل** : أيوة ..

**أبو علوة** : مصر الذكاء وخفة الدم والفرحة ؟ مصر الجامع  
والكنيسة .. ؟

**جميل** : أيوة .. أيوة .. يعني باختصار ..

**أبو علوة** : مصر أم الدنيا ..

**جميل** : بالضبط ..

أبو علوة : اشتغل مماك ..

جميل : وبالمرتب اللي انت عاوزه ..

أبو علوة : انت عاوزني اشتغل في ده كله وآخد فلوس كمان ؟  
أنا عيلتي غنية وبتصرف على .. ( لحظة ) جيت  
فلوسك منين ؟

جميل : ( يفاجا ) .. اطمئن من طريق شريف ..

أبو علوة : حاشا لله .. مش قصدى قطعاً جبتها من طريق  
شريف .. لأنك فكرت تزرع .. جبتها منين  
بالضبط . ؟

جميل : انا اشتغلت بره فترة طويلة ..

أبو علوة : في إيه ؟

جميل : في البترول ..

أبو علوة : ( باستياء ) في البترول ؟ .. قطعاً في السمسة  
والصمولات ، هي بس اللي بتجيب فلوس كثير ..

جميل : تقريبا ..

أبو علوة : يعنى إيه تقريبا ؟

جميل : تقدر تعتبرها كده ..

أبو علوة : البترول نحس يا جميل ..

جميل : البترول ثروة .. نعمة ..

أبو علوة : البترول كارثة ظاهرها الثروة وباطنها الخراب ..  
مقيش داعى لفلوس البترول .. تعالى نشترك

سوا ونزرع قيراطين .. نزرع قيراط واحد ..  
تعالى نزرع شجرة .. عمل لنا إيه البترول .. ؟

جميل : قلت لك .. جب لنا الثروة ..

أبو علوة : حصل .. جب لنا الثروة اللي بنينا بيها قلعة  
قوية ، أقوى القلاع في التاريخ للدفاع من التخلف  
والخرافة .. اشترينا بالثروة دي أجنحة ركبناها  
للشياطين عشان تلعب دور الملائكة .. اشترينا  
بيها أدوات ماكياج عشان نجعل بيها القبح .. كل  
فلس ، كل ملهم ، كل سنت ، حولنا ، لمايكروفون  
وكاميرا وقلم وحراب مطبعة لتحقير الحياة وتمجيد  
العدم .. كل الناس اللي واقفة على المسرح ،  
البترول قاعد لهم في الكمبوشة بلقنهم بقولوا إيه  
ويمثلوا أترابى ..

جميل : مانساش انه عمل لنا حاجات كثير ..

أبو علوة : عمل لنا إيه ؟ زرع السودان ؟ .. زرع ليبيا .. ؟  
زرع مصر .. ؟ احنا قطعنا من قوت الناس  
واشترينا سلاح نساعد بيه جبهة الفلوكس ضد  
حكومة السيكا لولو .. في جزر العنتريس الواقعة  
في بحر الفللمات الثورية .. ملينا شوارع أوروبا  
بالجثث .. جثث اللي اختلفوا معنا في الراى ..  
عمر بن الخطاب ما كاتش عنده بترول .. محمد  
على باغا ما كاتش عنده بترول .. الانتفاضة  
مامندهاش غير الطوب وحرية العقل وحرية  
الروح وحب الحياة وحب العدل .. احنا جصائين  
فلوقت يا جميل .. لازم نعلمها .. يمكن البترول

يتكسف .. انظر حولك يا باشمهندس .. اى حد ماشى شبعان فى اى مجال ، حانكتشف انه متمشى جوزين حمام محشين فريك ومكسرات ومتحمرين فى زيت بتروول .. شم دفاتر شيكاتهم ، حاتنزل حاتلاقى ريحتها جاز .. افتح حنفياتهم ، حاتنزل سولار .. بتروول ؟ .. !! يادى المصيبة .. يادى النحاس .. قبل البتروول ، كان الفقيه ببعض الفقير الى الله تعالى .. يقدر يعرضها دلوقت ؟ .

**جميل :** الفلوس مالهاش لون ولا طعم ولا رائحة .. الفلوس هى الفلوس .. الثروة هى الثروة ..

**ابو علوة :** دى اسمها نظريات المافيا .. حتى المافيا حريصة انها تفضل فلوسها .. لأنها عارفة ان الفلوس لها لون وريحة وطعم .. الفلوس لها طعم العرق وريحة العرق ولون وجه الانسان .. عارف ليه ؟ .. لأنها بتتكلم Money talk .. بتتكلم .. بتعلن عن مصدرها وبتعلن عن صاحبها ..

**جميل :** كل اللى بتقوله مش عيب فى الثروة نفسها .. انا حانصرف بشكل مختلف .. انا حازرع ..

**ابو علوة :** مصدر الثروة ، يحدد مسار وكيفية انفاقها .. اللى بيكسب فلوس فى القمار ما بيشتريش بيها وابور حرث .. اللى ييقبض عموله سلاح ما بيعملش بيها مركز ابحاث علمية .. اللى بيخبط شقة ، حاتقابه بالليل بيسكر فى شارع الهرم ..

**جميل :** ارجوك يا ابو علوة .. ادينى فرصة التكلم ..

**ابو علوة :** لا .. مش حاديك فرصة تتكلم الا لما اخض كلامى .. انا ما صدقت لقيت طلعة بنزين عشان اقول كل اللى فى قلبى ..

**جميل :** اتفضل ..

**ابو علوة :-** الاحساس العميق بالذنب الناتج عن الشراء بدون تعب ، بدون عرق ، بدون عذاب ، بدون ألم .. مضاف اليه اوهام القوة ، بيوفظ وبينشط النفس الامارة بالسوء .. مش النفس الامارة بالخير .. وبندل من حب الحياة .. يبقى فيه حب العدم .. وحب العدم ممتع ولذيذ يا باشمهندس .. لذيد جدا .. نفس اللذة اللى بتحسها العقربة وهى بتلذذك .. نفس اللذة اللى بيحسها الثعبان وهو بيلوشك .. نفس اللذة اللى بيحسها النمر وهو يقطعك حتت ويشرب .. من دمك .. نفس اللذة اللى بيحسوها لما يسود القبح حياتنا وبخاصتنا الجمال ..

( جميل ركن للسمت بينما ابو علوة ، منطلق كاترسانى ) .

انت بتشتغل ايه ؟ كاتب ، باحث ، صحفى ، فنان ، شاعر ، استاذ ، مدرس ، فقيه ، سياسى ، مؤيد ، معارض ؟ هينك على .. بص لى بطرف هينك من بعيد .. اتنا اسمى البتروول .. اوعى تبص لحسد تانى .. فراعينى قيراط اراعينك دولارات .. الفلوس ؟ عندى .. الجوايز والأوسمة السمينة عندى .. والصرى عندى .. الدنيا

عندى وعندى كمان الآخرة .. مش عاوز تبيع لى ؟  
 انت حر .. اتفضل ورينى حاتبيع بضاعتك  
 لمن .. مفيش مشتري .. أنا البترول .. أنا  
 المشتري الوحيد فى المنطقة لكل ما ينتجه العقل ..  
 مش عاجبك .. اتفضل هاجر .. روح لندن ..  
 باريس .. نيويورك .. روح أى حنة .. روح فى  
 أى داهية .. حاتلاقينى هناك باستناك فى المطار ..  
 حضرتك بتبيع إيه ؟ عندك موت ، عندك عدم ،  
 أوزن لى عشرة كيلو .. عندك نفاق ، خوف ،  
 غباء ، عبط ، بلاهة ، تعالى اكتب لى صفحتين  
 كل أسبوع وعمود كل يوم .. بتبيع إيه ؟ خرافة ؟  
 هات سؤال .. عندك استبداد ؟ ادبنى عشرة  
 طن .. عندك شياطين لابسين ملايكة بي نرفوا على  
 خزن البنوك مسبحين بحمد الدولار ؟ .. لف لى  
 خمس دست ، عندك إيه كتب ؟ عذاب القبر ؟ ..  
 اشحن لى نص مليون نسخة .. ما عندكش ده  
 كله .. اتفضل ابعدهنى .. ورينى عرض اكتافك ..  
 روح فى ستين داهية .. روح موت شهيد الصراع  
 المدمر بين احترامك لعقلك وانسانيتك ومطالب  
 الحياة ومطالب أهل بيتك .. اتفضل .. موت ..  
 أو افقد عقلك ..

( فى نفس اللحظة يندفع الطبيب والمرضان داخلين  
 الى السرح ، المرضان يلبسانه قميص الاكتاف وهو مستسلم  
 لهما فى لطف ، يخرجان به ) .

**الطبيب :** ضابقتك فى حاجة ؟

**جميل :** لا .. هو ماله .. ؟

**الطبيب :** ميان ..

**جميل :** ميان بايه .. ؟

**الطبيب :** يعنى ..

**جميل :** مش فاهم .. يعنى إيه ؟

( جميل بعدته بصراخه ، الطبيب يبدأ فى الاحساس  
 بان محدته شخص مهم أو مشول كبير فيجب عليه باحترام  
 بداخله بعض الخوف ) .

**الطبيب :** يعنى عاوز يصلح الكون ..

**جميل :** وحضرتك شايف أن الكون مش محتاج تصلح ؟ ..  
 مش عاوز تصلح الكون انت راخر ؟

**الطبيب :** عا .. عاوز أصلحه طبعا .. بس مش لوحدى ..  
 هو عاوز يصلحه لوحده .

**جميل :** قصدك انه أنانى .. عاوز ياخذ الكون ، ويقعد بيه  
 على جنب ويصلحه لوحده ؟

**الطبيب :** المسألة مش كده بالضبط يا فندم .. أصله ..

**جميل :** أبوة ، أصله إيه . ؟

**الطبيب :** أصله بيتدخل فيما لا يعنيه .. وطبعاً حضرتك  
 صارف .. من تدخل فيما لا يعنيه .. نال  
 ما لا يرضيه ..

**جميل :** وحضرتك المشول عن رسم الحدود دى ؟ .. بين  
 ما يعنيه .. وما لا يعنيه .. ؟ حد كلفك أنك ترسم  
 الحدود دى ؟

**الطيب :** ( وقد بدأ يستولى عليه الخوف فعلا ) .. والله  
يا فندم أنا مالي دموه بالموضوع ده كله .. أنا  
مجرد طيب في المصح ..

**جميل :** أنا مصر أفهم يعنى ايه عاوز يصلح الكون ، قصدك  
انه عاوز يصلح البيئة اللي حواليه .. ؟

**الطيب :** تقدر تقول كده ..

**جميل :** يبقى عيان ؟

**الطيب :** يا فندم هو فعلا مهتم بكل حاجة حواليه .. لكن  
لما الاهتمام ده يدفعه الى انه ينتحل شخصية  
موظف عام هنا في ادارة التيسير والتسهيل ..  
ويوافق على كل المشاريع المتقدمة .. ويسر كل  
حاجة .. وبسهل كل حاجة .. وما يكتفئش بكده ..  
امبارح ضرب واحد مستثمر بالأقلام والشلايط ..

**جميل :** مش ممكن يكون ده حصل من الباب للطاق ..  
لازم عمل فيه حاجة ..

**الطيب :** ابدأ والله .. مجرد ان الراجل عرض عليه  
رشوة ..

**جميل :** بس .. ؟ !

**الطيب :** هو ده اللي حصل والله العظيم .. والراجل حلف  
لنا بشره انه ما عمل له حاجة غير انه عرض عليه  
رشوة ..

**جميل :** مين اللي دخله المستشفى ؟

**الطيب :** اسرته .. اسرته غنية جدا .. بتشتغل في التجارة  
والاستيراد والتصدير .. عمل لهم متاعب كثير ..

**جميل :** ومين اللي وافق على دخوله ؟

**الطيب :** ( وكأنه يبرىء نفسه في توسل ) .. مش أنا والله  
يا سعادة البيه .. مش أنا والله العظيم ..

**جميل :** طب روح انت شوف شغلك .. أنا حاتصرف  
بعدين ..

**الطيب :** والله العظيم يا فندم ..

**جميل :** ( في حزم ) .. اتفضل روح شوف شغلك ..

( طرزان يطل براسه من الكالوس هو والأسد )

**طرزان :** مشيوا ؟ ..

**جميل :** أبوة ..

( يدخل طرزان والأسد )

**جميل :** خايف لياخدوك . ؟

**طرزان :** لا .. هم عارفين اني مش خطر .. وملتزم ..  
بارجع العنبر في ميعادى .. لكن ابو علوة ..  
خطر ..

**جميل :** خطر في ايه .. ؟

**طرزان :** بيغكر ..

( يخرج ومعه الأسد ، قبل ان يخرج يلتفت جميل ) .

**طرزان :** ممكن اطلب من حضرتك خدمة . ؟

جميل : تحت أمرك ..

طرزان : شيتا لازم ترجع الجبلية دلوقت .. وأنا صرت  
تعبان من الزهيق طول النهار .. مش حاضرف  
انادى عليها .. ممكن تنادى عليها لو سمحت ..

جميل : من عيني ..

طرزان : شكرا ..

( جميل يصيح صيحات طرزانة ) .

جميل : هووو هوو هوو .. ( تدخل شيتا وبقيّة  
الحيوانات ) .. انجأوا شيتا .. انجأوا ..  
هووو هوو ..

( التسمبانزى تسبح يدها في يد جميل ، الجميع  
يخرجون ، تغطت الاضائة . اللام ) .

## ● المشهد الثاني

( واد صحراوي ، التلال تحيط به من كل جانب ،  
صوت هبوط طائرة ، جميل يدخل الى المسرح حاملا ، حقيبة  
سفر صغيرة وقد وضع مغطا على لرافه ، يتلقت حوله ،  
ينظر في ساعته ، من خلف التلال يأتي رجال ونساء يرتدون  
ملابس اشبه بالعبادات الرومانية . يتحركون ببطء . ينظرون  
الى لا شيء في شروق وقد غلت وجوههم ابتسامة باهتة ، الشعر  
الابيض الكثيف يطو رؤوس الجميع . يقفون في صف واحد  
وكانهم على وشك تقديم واجب العزاء . نستطيع التعرف على  
طرزان وابى طوة بين الحضور ، يقترب احدهم من جميل  
في خطوات بطيئة ، يمد يده ليصافحه ) .

جميل : ( متذكرا في دهشة ) .. عبد الحكيم .. مدرسة  
السميدية .. خطيب المدرسة المقوه .. الزعيم ..

عبد الحكيم : ( بابتسامة باهتة وصوت ضعيف ) .. كويس انك  
لسة فاكرني .. أنا فرحان قوى اللي شفتك ..  
( يقولها بعزق لم يتعد ، شخص آخر يقترب ) .



**جميل** : عبد الرازق ؟ .. كلية الهندسة قسم الميكانيكا ..  
بتعمل ايه هنا ؟

**عبد الرازق** : ( بلهجة لا روح فيها ) .. انا .. انا هنا ..  
عندي مشروع .. انا سعيد قوى اللي شفتك ..  
حمد لله على سلامتك ..  
( يتعد ، تقرب سيدة )

**جميل** : مدام عبد الرحمن .. فاكراني حضرتك ؟ .. انا  
اشتغلت مع المرحوم في الخليج وفي مصر ..  
ازيك .. عامله ايه ؟

**مدام عبدالرحمن** : ( تستجمع افكارها بصعوبة ) .. انت فاكر ..  
المرحوم .. كان عنده .. كان عنده ..  
( تحاول التذكر )

**جميل** : كان عنده مشروع ..

**مدام عبدالرحمن** : ابوة .. كان عنده مشروع .. وبعد ..  
وبعد ..

**جميل** : وبعد ما توفي ..

**مدام عبدالرحمن** : ابوة .. وبعد ما توفي .. انا ، انا واصلت ..  
ابوة ، واصلت في المشروع .. انا سعيدة قوى اللي  
شفت حضرتك .. حاتنبط هنا قوى ..  
( يتعد ، شخص آخر يقترب ) .

**جميل** : عبد الكريم .. مدرسة الجيزة الاعدادية .. اللي  
كان دايمًا يطلع علينا الأول .. الله .. ده كل  
الحبايب هنا .. فاكرني ؟ !

**عبد الكريم** : طبعا ..

**جميل** : طب انا مين ؟ .. ده انت كنت بتحفظ المقررات  
من الجلدة للجلدة ..

**عبد الكريم** : ( يردد بألية بعد ان فشل في التذكر ) .. انا  
سعيد قوى اللي شفتك ..

**جميل** : ماقتليش انا مين ؟

**عبد الكريم** : مش فاكر ..

**جميل** : انا جميل .. جميل عبد الحق ..

**عبد الكريم** : ابوة ، انت جميل .. جميل عبد الحق ..

( جميل ما يزال يحتفظ بكفه في يده ، تمر لحظات  
صمت ) .

**عبد الكريم** : مش انا سلمت عليك ؟ ! .. من فضلك سيب  
ايدى ، فيه اناس كثير عاوزه تسلم عليك .  
( يتعد عنه ، يقترن شخص آخر ) .

**جميل** : معقول الكلام ده ؟ .. طرزان ؟ .. مين اللي عمل  
فيك كده ؟ .. ايه اللي خلاك تشيب كده ..

( طرزان ينظر خلفه وكان الكلام ليس موجهاً اليه ) .

**جميل** : انا باكلملك انت .. انت .. ايه اللي حصل لك ؟ ..  
ده انا سايبك من يومين وكان شسمر ك اسود بلون  
الفحم .. ازيك .. وازى شيتا .. وازى  
سامبو .. ؟

**طرزان** : مين شيتا ؟ .. ومين سامبو .. ومين طرزان ؟

**جميل** : امل انت مين ؟

**طرزان** : انا عبد الواحد عبد العظيم ..

( جميل ينفرس في وجهه ) .

**جميل** : انا آسف .. انا ذاكرتي بقت وحشة .. انا راخر  
باقول مش معقول تشيب في يومين !! ..

**طرزان** : يومين ؟

**جميل** : ايوة ..

**طرزان** : هم اليومين فيهم كام يوم ؟

**جميل** : حسب ما انا فاكر .. فيهم يومين ..

**طرزان** : شكرا ..

( يتعمد عنه ، يقترب منه شخص آخر ، جميل يهلق  
في وجهه ، لقد اكتشف انه ابو علوة ، ولكنه يخشى ان  
يكون مخطئا ) .

**جميل** : اوعى تقول لي انك مش ابو علوة ..

**ابو علوة** : حضرتك شفتني قبل كده ؟

**جميل** : ايوه .. شفتك من يومين .. واسمك علاه  
ابو الملا .. واصحابك بينادوك ابو علوة ..

**ابو علوة** : متأكد ان الشخص اللي شفته هو انا ؟

**جميل** : بصراحة مش متأكد .. حضرتك ملامحك مهزومة ..  
الشخص اللي شفته كان بيتفجر بالحيوية .. وكان  
شعره اسود ..

**ابو علوة** : كلمني عنه .. كان شكله ايه بالضبط ؟ .. وهل  
شفته هنا .. في هيئة الضغط العام ؟ ..

**جميل** : لا .. شفته في ادارة التيسير والتسهيل .. دي  
اول مرة آجي فيها هيئة الضغط العام ..

**ابو علوة** : ارجوك ساعدني في حل مشكلتي .. انا كمان  
متيالي اتي واحد ثاني .. او على الأقل كنت  
واحد ثاني .. بس ماعديش اي دليل على  
الحكاية دي ..

( تصاعد صيحات الاحتجاج ، باردة ، فائرة من  
طابور الواقفين ) .

..... : من فضلك يا حضرة ..

..... : سلم بسرعة من فضلك ..

..... : من فضلك عاوزين نسلم على الراجل ..

..... : احنا مش قاضيين .. وانا شغل ..

**ابو علوة** : حاضر .. حاضر ..

( يتبادل الحديث همسا مع جميل ) .

**ابو علوة** : ارجوك .. اوعى تتخطى عني .. انت له جاي  
من هناك ؟

**جميل** : هناك فين ؟

**ابو علوة** : الدنيا فيها مكانين بس .. هناك وهنا .. والبشر  
نوعين .. نوع عايش هناك .. ونوع عايش هنا ..

( عبارات الاحتجاج والاستياء تصاعد من الطابور ) .

..... : ده مش ناوي يخلصنا ..

..... : فاكرا فاضيين زيه ..

..... : قلت لكم خليه يسلم عليه في الآخر ..

**جميل** : ( متجاهلا اصوات الاحتجاجات مواصلا حديثه  
هيسا مع ابي علوة ) .. ايوه .. انا لسه جاي  
من هناك .. في الطائرة ، اللي وصلت دلوقت ..

**ابو علوة** : احنا سنة كام النهارده ؟

**جميل** : الف وتسعمائة وتسعين ..

**ابو علوة** : ( مدمورا ) .. ياه .. الف وتسعمائة وتسعين !! ..  
متأكد ؟

**جميل** : كل التاكيد ..

**ابو علوة** : طب ارجوك .. اوعى تقول السر ده لحد ..  
الحمد لله .. اشكرك يارب .. اخيرا عرفت  
طرف من المعادلة . الطرف الثاني .. يبقى لسه  
الطرف الاولاني .. اللي هو .. انا جيت هنا  
سنة كام ؟

**جميل** : انت مانعرفش انت جيت هنا سنة كام .. ؟

**ابو علوة** : لا .. بس حاواصل تحرياتي .. لحد ما اعرف  
لو هرفت ، يبقى اكيد حاعرف انا كنت قين ..  
وكنت مين .. ودلوقت انا مين ؟ ! .. وجاي هنا  
اعمل ايه ؟ ! ..

( اصوات الاحتجاجات مستمرة ) .

..... : اوه .. خل عندك ذوق يا عبد اللطيف ..

**ابو علوة** : هم مسميني عبد اللطيف .. بس انا متأكد انه  
مش اسمي ..

..... : خلصنا ..

..... : عاوزين نسلم على الراجل ..

**جميل** : ( ساخطا ) .. الله .. اما قلة ذوق صحيح ..  
الراجل بيتكلم معايا .. هي الدنيا طارت ؟ ..  
خلاص .. متشكر .. مش عاوز اسلم على حد ..

( ابو علوة ، متعد عنه ، يقترب منه شخص آخر ،  
يهد له يده مصافحا ) .

انا فرحان قوي اني شفت حضرتك .. فرصة  
سعيدة ..

**جميل** : والله يا اخي ، واضح ان حضرتك مش فرحان  
ولا حاجة ( بوجه كلامه لهم يمرح ) .. ده انتم  
كلكم بتسلموا على كانكم بتعزوني .. فيه حد  
مات ؟

..... : مافيش حد مات ..

**جميل** : ( بتصاعد مرجه ) .. يبقى فيه حاجة ماتت ..  
هاها .. هي ايه ؟

**احد الواقفين** : ( يحذرهم بصوت مرتفع ) ماحدثش يقول له ..  
ماحدثش يقول له .. ماحدثش يقول له ..

**جميل** : ( وقد بدأ ينتابه الخوف ) .. ماحدثش يقول لي  
ايه ؟ .. ماحدثش يقول لي ايه .. انا فين .. ؟ الحنة

**حياة** : مد ايديك وسلم على الراجل .. كل واحد من دول  
عنده مشروع لا يقل عظمة عن مشروعك .. لازم  
تقدر انهم جايبين لحد المطار عشان يسلموا  
عليك ..

**جميل** : دكتورة حياة .. مافيش داعي لمراسيم الاستقبال  
دي .. انا ماعنديش وقت ..  
( الاصوات تتصاعد في غضب ) .

..... : مد ايديك وسلم على الراجل ..  
..... : مش تحمد ربنا انه لا حايوسك ولا يحضنك ..  
..... : الراجل يبسلم عليك ، وبيقول لك حمد الله على  
سلامتك ..

..... : اما انك قليل الذوق صحيح ..  
..... : امال لو كنا بنبوسك ونحضنك كنت عملت ايه ؟ !  
**جميل** : الله ؟ ! .. هو بالعافية ؟ ! ..  
..... : آه .. بالعافية ..

( اثنان من الموجودين ، يسكان بدراهه ويرغمانه على  
مصافحة بقية الموجودين بالقوة ) .

**جميل** : أي .. طب سيبوني .. سيبوني .. حاسلم ،  
حاسلم ..

( يبدأ في مصافحتهم وقد سرت اليه هوى الفتور  
وانعام العبوية ) .

..... : فرصة سعيدة .. حمد الله على سلامتك .. انا  
سعيد قوي اللي شفتك ..

دي اسمها ايه ؟ .. المكان ده فين ؟ .. انتم  
مين ؟ .. وتعملوا هنا ايه . ؟ !

( تدخل السيدة التي رايناها من قبل في المشهد  
السابق ، تردي مغطا ابيض ، اسمها الآن الدكتور حياة  
عبد الكريم بالطبع هي نفسها رئيسة ) .

**حياة** : خير يا باشمهندس ؟ ! .. مالك ؟ .. مخضوض  
كده ليه ؟ .. هنا هيئة الضغط العام .. ودي ..  
الف .. سين .. صاد .. الادارة العامة لقياس  
سعة الصدر .. وانا المدير التنفيذية للادارة ..  
دكتورة حياة عبد الكريم .

**جميل** : انا شفت حضرتك قبل كده ؟

**حياة** : ابوه .. في ادارة التسيير والتسهيل .. كنت  
باخلص ورق هناك .. و حضرتك افنكرتني رئيسة  
المدام بتاعتك .. يا باشمهندس أرجوك تهذا ..  
واضح أنك متوتر .. منفضل على طول .. ماعندكش  
صبر .. وضيق الصدر .. وظيفتنا هنا ، نخليك  
هادي .. طويل البال .. وأسع الصدر ..

**جميل** : متشكر ..

( احدهم يتقدم منه مصافحا ) .

..... : حمد الله على السلامة ..

**جميل** : وبتقولها من غير حماس .. ليه .. ؟ .. الله  
يسلمك يا سيدي ..

( لا يصافحه ) .

**جميل :** ( ببرود ) .. والله يا اخي لا انت سعيد ولا انت  
حزين .. ولا انت حاسس بأى حاجة .. وربنا  
بعدي اليوم ده على خير ..

( هؤلاء الذين يبالغونه يخرجون من خلف احد التلال  
ثم يعودون للانضمام للطابور بحيث يبدو الطابور وكان  
لا نهاية له .. يبدأ في الرد عليهم بكلمات مهشمة غير مبهومة ،  
الإضاعة تنفر ، الاجهاد يستولي عليه ، مستمر في عصافحتهم  
وهو يبذل مجهودا كبيرا ليظل واقفا على قدميه .. يتنهار  
واقفا على الأرض .. تغت الإضاعة ) .

### ● العهد الثالث

( تنزاح التلال فيظهر عنبر قياس سعة الصدر ،  
العنبر انبج بقافة التحكم الشهيرة التي نشاهدنا في افلام  
الفضاء ، شاشات تليزيونية ، أزرار ، لمبات ، كاونتر  
داثرى يسمح للجالس اليه بالتحكم في الأزرار ومراقبة  
الشاشات ، قربة متفخخة معلقة في الهواء ، تدخل الدكتوراة  
حياة ومعها جميل ) .

**حياة :** الزراعة محتاجة صبر .. طول بال .. ولذلك  
اللى بيشتغل فيها لازم يكون واسع الصدر ..

**جميل :** يعنى لو انا مش واسع الصدر .. ماخذش  
موافقة على مشروعى . ؟

**حياة :** امال احنا وظيفتنا ايه ؟ .. وظيفتنا انا نحولك  
لانسان واسع الصدر ..

**جميل :** ( بسخرية خفيفة ) .. بعد كده انشاء الله  
حانحولونى على ادارة طول البال ..

**حياة** : شكرا .. بدمتكم شح حاسس انك افضل  
دلوقت .. ؟

**جميل** : فعلا .. حاسس بانى اخف .. صعب كبير قوى  
انزاح من هلى .. متع ذلك انا بانساول .. ليه كل  
الاجراءات دى ؟ .. انا خدت كل الموافقات على  
مصنع للمعظفات الصناعية وعلى ميناء خاص فى  
اقل من ساعة .. وكل الجهات المسؤولة ساعدتنى  
باسرع ما يمكن ..

**حياة** : الزراعة حاجة تانية ..

( يدخل تيسر ، يرتدى معظفا ابيلر ) .

**جميل** : اهلا .. يا تيسير بك .. فاكرنى ( لحياة ) .. اهر  
تيسير بك هو اللى جال لى كل الموافقات من ادارة  
التيسير .. مش كده يا تيسير بك ..

**تيسر** : ياه .. ده انت ذاكرتك حديدية .. انا فعلا اشتغلت  
فترة طرية فى ادارة التيسير والتسهيل قبل  
ما احصل على الدكتوراه ..

( اجابسه تشع جميل بالحيرة ، تيسر ياخذ مكانه  
امام احدى شاشات الكمبيوتر ويبدأ فى الضغط على الازرار ) .

**حياة** : ناولنى الجاكت يا باشمهندس ..  
( تساعده فى خلع الجاكت ، تيسر منصرفا بكليته الى  
اجزته ) .

**حياة** : مقاس صدرك كام .. ؟

**جميل** : انا فى القمصان باليس مقاس ١٤ ..

**حياة** : هاها .. لا .. انا فصدى السعة .. ال سى سى  
C.C.

**حياة** : ( جادة تماما ) .. لا .. الكلام ده كان زمان ،  
لكن بعد التيسيرات الجديدة ، الادارتين اندمجوا  
مع بعض .. ادارة قياس سعة الصدر وادارة طول  
البال .. وبقوا تابعين لهيئة واحدة .. هيئة  
الضغط العام ..

**جميل** : الحمد لله ..

**حياة** : ادينى ساعتك من فضلك ..

**جميل** : ( ينظر فى ساعته ) .. الساعة دلوقت ..

**حياة** : لا .. انا مش عاوزه اعرف الساعة كام .. ادينى  
ساعتك ..

**جميل** : ليه .. ؟

**حياة** : من فضلك ، ماضيمش وقتى .. ادينى الساعة ..

**جميل** : حاضر ..

( يطلع الساعة ويعطيها لها ) .

**حياة** : مرور الزمن بيمعمل عبء على الجهاز النفسى  
والمعصبى .. اول حاجة بنعملها ، انا بنخلصك من  
العبء ده ..

**جميل** : متشكر ..

**حياة** : معاك نوتة .. اجندة .. نتيجة ؟ .. اى حاجة  
لها صلة بالايام او بالشهور او بالسنين ؟

**جميل** : ( يخرج نوتة صغيرة من جيبه ) .. معايا النوتة  
دى .. اتفضلى ..

**جميل** : ما عرلش ..

**تيسير** : جالك كلامى .. الوعى بأهمية معرفة السعة الصدرية ، حاجة غير معترف بيها فى مجتمعنا .. حتى على مستوى المتعلمين والمثقفين .

( القربة الدلاة من سقف المسرح متصلة بأسلاك عديدة ومزودة بعدادات ومؤشرات ، حياة تقربها من جميل ) .

**حياة** : شوف يا باشمهندس .. حضرتك .. حانفخ هنا ..

**جميل** : وبعدين ؟ ..

**حياة** : وبس .. هو ده كل المطلوب منك .. خد شهيق من الهواء الجوى .. وبعدين الزفير حابر جمع تانى الهواء الجوى عبر القربة دى .. زى ما أنت شايف ، القربة مجهزة بعدادات وأجهزة اليكترونية داخلية ، متصلة بالكمبيوتر .. وبالطريقة دى نعرف سعة صدرك .. وطول بالك ، وبالتالي ، نقدر نعمل أى تعديل مطلوب ..

**جميل** : حضرتك قصدك انى حانفخ فى القربة دى ، لحد ما تتملى ؟

**حياة** : عمرها ما حاتتملى .. لو اتملت تبقى عطلانة .. ولازم تبلغنا على طول ..

**جميل** : حاضر .. تحت امركم ..

( تمسك بسماعتها الطبية ، تضعها على صدره وفهره ، تلاحظ ان لسانها ليست لسان طبيبة وانما انثى ، تحسس فهره وكفه وخده ، يشعر بالخرج ) .

**تيسير** : انا جاهز ..

**حياة** : واحنا جاهزين ..

**تيسير** : تست .. شهيق .. زفير ..

( جميل ينفخ ، حياة تقبله قبلة خفيفة فى كتفه ورقبته ، ينقل بصره بينها وبين تيسير فى حرج يبلغ حد الصدمة ) .

**تيسير** : على مهلك يا باشمهندس .. ابطأ من كده شهيق .. زفير ..

( لسانها تجعل انفاسه تتأرجح ) .

**تيسير** : ابطأ من كده .. ابطأ من كده .. واضح انك ضيق الصدر جدا .. على مهلك ..

( حياة همس وهى تقبله فى الذنه ورقبته ) .

**حياة** : على مهلك يا حبيبى .. على مهلك .. مغيث حد بيجرى وراك .. اهدا .. ايوه .. اهدا ..

**تيسير** : شهيق .. زفير .. أوكنى .. ستوب ..

**حياة** : كام يا دكتور ؟

**تيسير** : ٦٠٠ سى سى C.C. ..

**حياة** : ( وكان النتيجة سيئة للغاية ) . معقول الكلام ده ؟ ! .. قليل قوى ..

**جميل** : ( كما لو كانت النتيجة أفرعته ) هو الطبيعى كام ؟

**حياة** : على الأقل الف وخمسمائة سى .. س ..

الصبح .. وأنا بنفسى مریت عليها ، عشان أتاكد  
انها مخرومة .. يؤسفنى ان فيه عناصر فيكم ..  
بتحاول تسد الخروم دى .. هل يجب انى احذركم  
فى كل مرة ، ان تحليلات الكمبيوتر بتظهر عندى  
على الشاشة أى محاولة لسد الخروم ..  
بتغشونا .. والا بتغشوا نفسكم ؟ ! ..

( لا ردود فعل من أى نوع على وجوههم ، تيسير يجلس  
الى الكاونتر مجددا فى احدى الشاشات ) .

**تيسير** : عبد الكريم .. عبد العزيز .. مدام عبد الجبار ..  
تست .. وضع الاستعداد .. استعد ..  
( الاسماء التى ذكرها تحتفن القرب ) .

**تيسير** : شهيق .. زفير .. بثقة أكثر .. بحماس أكثر ..  
مش بسرعة أكثر .. وبعدين الايقاع .. حافظوا  
على الايقاع .. أوكى .. كويس قوى .. أصل  
أنا كنت شاكك فى القرب دى بالذات .. اتفضلوا  
حضراتكم ، كل الناس ، وضع الاستعداد ..  
استعد ..

( الجميع يحتفون القرب ) .

**تيسير** : شهيق .. زفير .. شهيق .. زفير .. أحسن  
قوى .. على طول .. حافظ على الايقاع ..  
بحماس يا عبده .. بثقة أكثر يا عبده .. شهيق  
يا عبده .. زفير يا عبده .. استمر ..

( يدخل جميل يلقى نظرة عليهم ، بينما هم منهمكين  
فى النفخ .. قريبة تنزل من سقف المسرح فى المكان الذى  
يقلق فيه ) .

**تيسير** : باشمهندس عبد الحق .. سامعنى .. ؟

**جميل** : أبوة ..

**تيسير** : أول حاجة حاتمعلها ، هى انك تتأكد ان القرب  
اللى قدامك بتاعتك .. عليها اسمك واسم والدتك  
وتاريخ ميلادك ..

**جميل** : ( بعد نظرة سريعة على القربة ) .. بتاعتى ..

**تيسير** : النفخ فى قرب الآخرين امر خطير للغاية .. وغير  
مسموح بيه بالمرّة .. وممكن يترتب عليه  
الفاء مشروعك .. دلوقت خد بالك من ايدى  
( يرفع ذراعه الى أعلى ) .. حاتدخل على اشارة  
منى .. معايا ؟

**جميل** : معاك ..

**تيسير** : شهيق ..

( جميل يسحب نفسا طويلا ) .

**تيسير** : ( باشارة حاسمة من يده ) .. ادخل .. زفير ..

( جميل يبدأ النفخ فى حماس ) .

**تيسير** : برافو .. دخلت دخلة حلوة قوى يا عبد الحق ..  
استمر .. شهيق .. زفير ..

( الكل منهمك فى النفخ بينما تنزل .. )

**الستار**



## ● الفصل الثالث



## ● الشهد الأول

( عنبر سعة الصدر ، عندهما تفتح الستار فرى  
المجموعة منهمة في النخ ومعهم جميل ، نلاحظ أنه يرتدى  
نفس العباة التي يرتونها وأنه أصبح مثلهم أشيب الشعر .  
صوت ليسر بوجههم في رنابة شهيق .. زفير .. تنفر الإضاءة  
عليهم اشارة لمرور الزمن صوت تكات ساعة ، تك ، تك ،  
تك ، بدأ خافتة لم تتصاعد الى أن تصبح واضحة مدوية ،  
فجأة تدخل حياة بخطوات سريعة غاضبة مكفهرة الوجه ) .

حياة : ستوب .. ستوب ..

( يتوقفون ، يتوقف صوت تكات الساعة ) .

حياة : ارفع القرب ..

( القرب ترتفع الى سقف المسرح ) .

حياة : تحليل الكمبيوتر يقول ان فيه واحد من حضراتكم

معاه ساعة ، بتفضل يجيبها ، بدال ما آجي أهزاه

واطلمها من جيبه ..

سير: من يوم ما جة ؟

ياة : من يوم ما اتولد.. عشان يبتدى من أول وجديد..  
اما اشوف انا .. حايتمدل والا لا ( صانحة في  
الرجل باحتقار وغيظ ) .. افضل .. قدامى ..  
( الرجل يخرج امامها منهارا في لعنة ) .

سير : ارجو ان اللى حصل ده ما ياترش في اداتكم ..  
واحد قلط وخذ الجزاء اللى يستحقه .. وضع  
الاستعداد للفدا .. استعد ..

( يتجمعون في مكان واحد ، ينظرون الى سقف المسرح  
في ترويب ، تنزل حلة كبيرة وبها مفرقة ، ليسر يخرج اطباقا  
من الصاج وملاصق من مكان ما في المسرح ، يوزع عليهم  
الاطباق ، كل منهم ياخذ طبق وطعقة ويفرقون من الحلة ،  
يفرقون في انحاء المسرح ، بعضهم يتناول طعامه وهو والف ،  
والبعض يجلس على ارضية المسرح ، جميل يقترب من طرزان  
الذى يجلس في مقعدة المسرح ، طرزان ، يمس نفسه وهو  
ياكل بصوت لا يكاد يسمع تك تك تك ) .

جميل : ( وهو يجلس بجواره في ود ) الاستاذ عبد الواحد ..

لرزان : أهلا وسهلا .. تك تك تك ..

جميل : تسمح لى انا دبك طرزان ..

لرزان : طرزان ، عبد الواحد .. ما تفرقش معايا  
تك تك تك ..

جميل : يطع ايه النفخ الانفرادى ؟

طرزان : بقعد بنفخ في قرية لوحده في اودة مقفولة عليه ..  
لحد ما يوفى عدد الأنفاس المطلوبة .. تك تك تك ..

( لطقات سميت ، احدهم يتقدم منها في فجول يهرج  
ساعة قدمها لها ) .

حياة : جبتها منين ؟ .. جايالك ؟ والا انت جاي عندنا  
ومعالك ساعتين ؟

..... : كنت ناسيها في جيب الجاكة ..

حياة : معاك ساعات تانى . ؟

..... : ( في ذعر ) لا والله العظيم .. هي دى بس ..

حياة : قل لى على سبب واحد بخليتك ، عاوز تعرف  
الساعة كام .. والا عمو الغباء والرغبة في تدمير  
واقساد شغلنا .. ! ! ..

( يطرق براسه الى الارض في انسحاق ) .

حياة : انت اللى حطيت نمسك في الموقف ده قدام  
زملاءك .. عارف طبعا "عقوبة ايه ( لتيسير ) ..  
طلع لى بلفه يا دكتور ..

( "دكتور تيسير يمسك بده ازرار على الكمبيوتر ) .

حياة : سجل "عقوبة .. سبعين مليون شهيق ، وزبيهم  
زئير في النفخ الانفرادى ..

..... : ( ينهار متوسلا ) آخر مرة يا دكتور .. آخر  
مرة ..

حياة : ما هو لو كنت بتحترم سنك وبتحترمنا .. وبتحترم  
زمالك .. وبتحترم مشروعاتك .. ما كنتش تهمنى  
كده . ( لتيسير ) ألقى كل النفخ اللى نفخه  
اصح له ..

أصله حمار ، الساعة مس هي الوسيلة الوحيدة  
لمعرفة الزمن تك تك تك وحتما الأجهزة الالكترونية  
حاشكشفه تك تك تك .

**جميل** : امال يعمل ايه ؟ .. ؟ .. يعرف الزمن ازاي ؟

**طرزان** : الطريقة الوحيدة هي التكتكة .. كل تك بثانية  
تك تك تك .. وكل يوم بالليل قبل ما ينام يسجل  
عدد التكتكات اللي تكتكها طول النهار .. وبعدين  
يقسمها على ستين تطلع بالساعات على أربعة  
وعشرين تطلع بالأيام على ٣٦٥ وربع تطلع بالسنين  
تك تك تك ..

**جميل** : وقت النوم .. ؟

**طرزان** : باحبه سبع ساعات بالضبط ، اجمالى ..  
تك .. تك .. تك ..

**جميل** : قطعاً فيه وقت بيضيع .. ممكن تسرح .. حد  
يتكلم معاك .. حد يشغلك ..

**طرزان** : لا ما هو انا باحبه الوقت الضايح .. وحتى  
لو ماقلتش تك تك تك بلسانى .. باقولها في سرى ،  
المهم ان الزمن مايفلتش منى .. والا حالقد عقلى  
تك تك تك ..

( اتناه الحوار بينهما ، بقية الجمجمة لتصادر المسرح  
في هدوء ، هما الآن وحدهما على المسرح ) .

**جميل** : طب النهارده ايه ؟

**طرزان** : النهارده يا سيدى .. ( المثل يذكر اليوم والتاريخ

( والسنة ) .. انا ما عندى مشكله في الوعى بالزمن  
والسيطرة عليه ، انا مشكلتى انى مش فاكر  
مشروعى كان ايه بالضبط ، تك تك تك .. بس  
حاعرف طبعا لما يوافقوا لى عليه تك تك تك ..  
( ينهض ) .. عن اذنك ..

( ينسحب خارجا من المسرح ، تدخل حياة ) .

**جميل** : ( يكلمها بود ومرح ) .. حياة ؟ ! .. كويس انك  
جيتى ..

**حياة** : ( بصرامه وغلظة ) .. دكتوراه حياة من فضلك ..  
( يتصور انها تداعبه فيضحك ويمد كفه متحسنا  
خدها ) .

**جميل** : ( بمرح ) .. آسف يا ستى .. دكتوراه حياة ..  
( قبل ان يتبته نصفه بشقة ) .

**حياة** : شيل ابدك يا قليل الحيا .. انت اتجننت ؟ ! ..  
**جميل** : مالك يا دكتوراه .. مش انت اللى ..

**حياة** : ( تقاطعه في ضراوة ) .. انا اللى ايه يا سائل ؟  
انا اللى ايه ؟

**جميل** : الله .. ده احنا حتى لما رحنا الشقة ..

**حياة** : اخرس قطع لساتك .. يا مجرم .. انا لازم اللى  
لك مشروعك فوراً .

**جميل** : أرجوك .. افهمينى .. انا آسف .. انا آسف ..  
انا فهمت غلط ..

حياة : فهمت غلط لأنك انسان سيء الخلق ..

جميل : ( بصدق وحرارة ) . أرجوك ، ما تفهمينش غلط ..  
انا اتهيألى ..

حياة : ( مقاطعة ) .. اتهيألك ؟ .. اتهيألك ايه ؟ .. هو  
انت من النوع اللى بيتهيأله ؟ .. انا لازم ابلغ عن  
الواقعة دى فوراً ..

جميل : أرجوك .. اتوسل اليك .. افهمينى .. أقسم لك  
ان الحقائق والأوهام بتختلط فى عقلى .. لدرجة  
انى مش عارف .. هل اللى بيحصل لى ده ..  
بيحصل لى فعلاً .. والا لا .. ؟ .. أرجوك  
صدقينى .. وأعدك انى مش حاجى جنبك تانى ..  
أرجوك ..

( نطقت الإصادة )

## ● الشهود الثانى

( نجد المشهور لترز جازا و ابراهيم جالسين فى دكان  
فى حالة انتظار ) .

تسرو : تفكر حا يوافق ؟

ابراهيم : فى الأول مش حا يوافق .. بس انا حاشرح له ان ده  
فى مصلحته ومصلحة مشروعه .. بما تقلقش ، انا  
حا قنمه ..

( تدخل الدكتور حياة ، تصافحهما فى ود ) .

ابراهيم : اهلا دكتور حياة ..

تسرو : اهلا يا استاذ ابراهيم .. اهلا يا سنيور تسرو  
جازو ..

تسرو : بلفتية حضرتك .. ؟

حياة : ايوه .. وحايقابلكم دلوقت .. بس انا حاوزه اكرر  
على حضراتكم انه ممنوع منعا باتا ذكر الزمن

**ابراهيم** : جميل .. انا عندي ليك خبر مفرح .. خلاص ..  
حتاخذ الموافقة ..

**جميل** : امتى ؟

**ابراهيم** : قريب ..

**جميل** : قريب امتى ؟ سنة كام ؟ شهر ايه ؟ يوم ايه ؟  
الساعة كام ؟

**ابراهيم** : اقرب مما تتصور ..

**جميل** : ( يضحك في سخرية ) .. هاها .. ده انتم  
بتستخدموا نفس القاموس بتاع الهيئة .. المصريين  
شعب عبقرى ، عنده وصف عبقرى لكل فعل ..  
تافين فى بق بعض .. هاها .. اصطلاح مقرف  
بيعبّر عن سلوك وضيع .. هاها ..  
( يشاركه الضحك فى مجاملة ) .

**جميل** : ( فى برود ) تحت امركم .. عاوزين ايه ؟

**تترو** : جميل بك .. المشروع بيمر بمتاعب .. متاعب ..  
مالية ..

**ابراهيم** : فى الاول كان شغال زى الساعة وحقق ارباح  
كبيرة جدا .. وبعدين بدأ يخسر .. التكلفة  
عالية جدا ..

**جميل** : تكلفة ايه يا مشكلانى ؟ ! .. ده احنا لاقينيه ،  
ده احنا سارقينه .. وشركة استثمارية ، بعضى  
مايندفعش ضرائب ..

او ما يشير اليه من بعيد او قريب .. كلمة  
امتى ، او من امتى ، او من قد ايه .. او بعد قد  
ايه .. لحد دلوقت هو محقق نتائج ممتازة ..  
وصل لالف وربعمائة وخمسين س .. س يعنى  
على وشك الحصول على الموافقة على مشروعه ..  
هو كل مشكلته فى التهيؤات .. ساعات بيتها له  
حاجات غير حقيقية .. بس الحمد لله .. المسألة  
دى تم علاجها ..

**ابراهيم** : هى فعلا دى مشكلته ، الحمد لله انه اتعالج  
منها ..

**حياة** : ولعلكم دى اول مرة تحصل ان حد يقابل حد  
هنا ويتكلم معاه من خارج الهيئة ، ولولا التوصيات  
الجامدة والتليفونات اللى جت لى من ناس باحترمهم  
ولهم فضل على ، ماكانش ممكن أبدا اوافق ..

**ابراهيم** : عارفين والله .. ومش حانسى لك الجميل ده ..

**حياة** : انا مش حاكون معاكم .. بس حاتابع اللقاء ،  
عند اى خطأ حاندخل وانهى المقابلة قورا ..

**تترو** : اطمنى مش حايجصل ..

( يدخل جميل )

**ابراهيم** : جميل .. جميل .. بالحضن يا صديقى ..

( من الواضح ان جميل قد استشعر خطرا من وجودهما  
بعد يده مصافحا فى حذر ، حياة تخرج ) .

**تترو** : اهلا يا جميل بك ..

**ابراهيم** : ما بندقش ضرايب .. بس بندق دمغات .. في كل مكان وفي كل حنة ولكل حد بندق الدمغة المقررة ..

**جيميل** : ( باستهانة ) وبعدين ؟ ..

**تسرو** : وبعدين عشان المصنع يقف على رجليه ، الامتاز ابراهيم اضطر يستلف من البنوك من البنوك الأجنبية .. واحنا الضامن .. خد ثلثمائة مليون دولار وبعدين مائتين مليون وبعدين مائتين وخمسين .. وبعدين ضمانه في خمسمائة مليون عشان يسدد الفوائد .. وبعد كده ضمانه في خمسمائة عشان يسدد الغرامة اللي اتحكم بيها علينا ..

**جيميل** : غرامة ايه ؟ ! .. البترول بتاعنا طلع مفشوش- لا سمح الله ؟ !

**تسرو** : انت عارف ان شعار الشركة هو صورة صوفيا لورين قاعدة على طشت غسيل ، وانا بنفسى اتفقت معاها .. وخذت موافقتها ودفعت الفلوس اللي طلبتها .. لكن الظاهر ولاد الحرام اتروا عليها فطمعت ..

**ابراهيم** : رفعت قضية ، قالت ان الصورة مخلة ، وانها تسيء لسمعتها .. وطلبت سبعمائة وخمسين مليون دولار تمويض ..

**تسرو** : اتحكم لها ..

**ابراهيم** : عارضنا في الحكم .. واستانفنا ، للأسف خدت حكم نهائي بالمبلغ ..

**تسرو** : تدخلت ، والاب الروحي تدخل ، سقنا عليها كل ولاد الحلال ، وافقت تاخذ خمسمائة ..

**جيميل** : ( بعرج اليانس الغاضب ) ورئيسة ؟ ! .. ماتدخلتش ؟ ..

**تسرو** : رئيسة سابت الشركة .. وباعت لنا نصيبها وخذت حقها ناشف ..

**جيميل** : سابت الشركة ؟ ! .. من امتى ؟

**ابراهيم** : من ( يتردد ) .. من الأول ..

**جيميل** : يعنى من امتى ؟

**تسرو** : من زمان .. عندها عشر مكاتب استشارية في أوروبا دلوقت .. ومكتب في كل عاصمة عربية .. وبتشتغل كمان في السلاح ..

**جيميل** : والأولاد ؟

**ابراهيم** : معاها .. بتعلمهم احسن تعليم ..

**جيميل** : الحمد لله .. هم دول الأمل ..

( لعظمت صمت )

**جيميل** : طلباتكم ؟

**تسرو** : بعد ما تخلص مأموريتك هنا ، تيجي تقابل الاب الروحي وتتفق معاه .. حاسد ديتوك ازاي ..

**ابراهيم** : هو صحيح احنا مدبونين وخسرانين .. لكن لو خدنا قرض حانعرف نغير ماكينات الضخ والتكرير ونضاعف الانتاج ونسد ديوننا ونكسب .. وبالطريقة دي تعرف تصرف على مشروعك ..

( لحظات صمت )

**جميل** : المقابلة انتهت ..

**لترو** : نعم ؟ ! ..

**جميل** : ( بغضب ) .. كلامي مش واضح .. باقول لك المقابلة انتهت ..

**لترو** : آه .. حضرتك فاهم انك حانعرف تهرب من التزاماتك ؟ .. انت ماضي عقد يا استاذ ، والفلوس اللي عليك حانسددها على داير سنت .. دي فلوس ناس يا استاذ .. انت فاكر اتنا حانسيبك ؟ احنا وراك والزمن طويل .. ده احنا ناخذها من عنيك ومن عين اللي يتشددوا لك .. ده احنا ناخذها منك ومن كل مصرى عايش او لسه حايثولد .. فاهم ؟

( جميل يبصق على الارض ، يستدير ويخرج ) .

**لترو** : ( بتهديد وغل ) طيب .. طيب يا جميل ..

**ابراهيم** : سنيور لترو جازو .. ارجوك .. قدر ظروفه .. هو مش قصده يهينك ..

**لترو** : ماتخافش يا مشكلاتي .. مش حانموته .. احنا مانموتش حد عليه لينا فلوس .. احنا بنعيشه

لحد ما يسدد .. بس عيشة نوعها ايه ؟ !  
حالتفرج ..

( يخرجان ، تفرج الاضامة .. ابو علوة يدخل ، يصفط بعض اضرار الكمبيوتر ، فنزل فريته من سقف المسرح ، يذهب اليها ويحتضنها ) .

**ابو علوة** : بسم الله ، توكلنا على الله ..

( يبدأ في النفخ ، يدخل جميل ) .

**جميل** : ايه اللي جابك بدرى يا ابو علوة .. ؟

**ابو علوة** : عندي شوية شغل متأخر ..

**جميل** : ربنا يقوبك .. ونفخ في صورتك ..

**ابو علوة** : انت لسه مصر ان اسمي ابو علوة ؟

**جميل** : ايوه .. اسمك علاء ابو العلا .. لسه مالميتش الطرف الاولانى بتاع المعادلة ؟

**ابو علوة** : ( مستمر في النفخ ) .. لسه ..

**جميل** : تسمح لى انشط ذاكرتك .. ارجو ما اكونش باعظلك ..

**ابو علوة** : لا ابدا .. اتفضل ..

**جميل** : لما جيت هنا ، كان مين بيحكم مصر ؟ . فاروق ،

محمد نجيب ، عبد الناصر ، السادات ؟ . كان مين رئيس الوزراء ؟ اللحمية كانت بتتباع بالرطل والا بالكيلو ؟ الطيارة اللي جابتك كانت نفائة والا بمحركات ؟ طبق الفول كان بكمام ؟ شارع سليمان ، كان اسمه سليمان والا طلعت حرب ؟



ابو علوة : كل اللي فاكراه انه كان عيد ..

جميل : عيد ايه ؟ العيد الكبير ، العيد الصغير ،  
الكريسماس ؟ عيد شم النسيم ، عيد الأم ، عيد  
الاب ، عيد الحب ؟ عيد الجلاء ، عيد النصر ،  
عيد العمال ؟ عيد ايه ؟ رأس السنة الهجرية ،  
رأس السنة الميلادية ؟ عيد وفاء النيل ، اعياد مايو ،  
يونيو ، اعياد يوليو ، أغسطس ، الفاتح من سبتمبر ،  
القافل من ديسمبر ، اعياد أكتوبر ، عيد ايه ؟ ..  
عيد الوحدة ؟

ابو علوة : عيد الوحدة ؟ ! . بنحتفل فيه بياه ؟

جميل : بالانفصال ..

ابو علوة : احنا عندنا الأعياد دي كلها ؟

جميل : ده اللي انا فاكراه ..

ابو علوة : ( في دهشة وحزن ) امال انا ما فرحتش ليه ؟

جميل : لا انت لا انا ولا حد فرح ، ولا حد حايفرح ،  
الا لما ننفذ مشروعنا .. افكر يا ابو علوة .. انت  
عرضت على انا نزرع قيراطين او قيراط واحد ،  
او نزرع شجرة ..

ابو علوة : حقيقي ؟

جميل : ابوه .. حقيقي .. اسمع ، انت طلبت مني  
ما اتخلص عنك ..

ابو علوة : حصل ..

جميل : انا دلوقت اللي باطلب منك انك ما تتخلص عني ..

احنا لازم نهرب ..

ابو علوة : نهرب نروح فين ؟

جميل : نروح هناك ..

ابو علوة : من غير ماناخذ الموافقة ؟

جميل : مشروع زراعة شجرة واحدة مش محتاج موافقة  
هيئة الضغط العام ..

ابو علوة : للأسف محتاج .. كل حاجة في الدنيا محتاجة  
موافقتهم .. ده انت بتاخذ موافقة من مكتب  
الصحة لما تتولد ، ولازم تاخذ موافقة كمان لما  
تندفن .. برضه من مكتب الصحة ..

جميل : ( يتلفت حوله ثم يهمس في أذنه ) حانزرها في  
السر ، بالليل ، حانختار ليلة ضلمة ، ونختار مكان  
ما يكونش عليه رجل ، او تكون الناس قاعدة في  
بيوتها ، بتشوف ماتش مهم ، او في رمضان ،  
ساعة الفطار ، ونزرع الشجرة ، ولا من شاف  
ولا من درى ، ونرسم خطة محكمة عشان نسمدها  
ونروبوها ونراعيها في الكتمان .. لحد ما تطلع ..

ابو علوة : وحانخبها ازاي لما تطلع ؟ اي واحد ماشي في  
الشارع جايشوفها .. وانت عارف رجالتهم كثير ..

جميل : ساعتها حايبقوا قدام الأمر الواقع ..

ابو علوة : ما بيهممش .. حايقطعوها لك في لحظة .. ما فيش  
فايدة .. لازم الموافقة عشان نأمن شرهم ..

**جميل** : هي دى الخدعة .. لا وسيلة على الأرض اننا نأمن  
شرهم ولا حل الا باننا تكون مجموعة انتحارية  
ونهرب ، ونزرع في السر ..

**ابو علوة** : العمل السرى ما يوافقش طبيعتى ..

**جميل** : ما تخدش قرار دلوقت .. فكر ..

**ابو علوة** : حاضر .. ادبنى فرصة أفكر ..

( يواصل التفتيح في القرية ، يدخل طرزان ، يشير لهم  
بالتحية في اكناب ، يدخل مباشرة الى الكمبيوتر ، يضغط  
زوا فتتزل القرية الخاصة به من سقف السرح ، يخرج من  
جيبه مفكاً صغيراً ، يربط به مسامير احد العدادات المركبة  
في القرية .. جميل يرأب ما يفعله .. طرزان يجذب نفساً  
طويلاً ثم يفرغه في القرية ) .

**جميل** : عليك نور .. عاش النفس ..

**طرزان** : متشكر ..

**جميل** : عندك شغل متاخر ؟

**طرزان** : انا عمري ما اتاخر على شغل .. ومؤمن بالمثل اللي  
بيقول ، لا تؤجل عمل اليوم الى الغد .. انا جاي  
بدرى عشان اضبط الترموستات .. مايفصلش  
في الوقت الصحيح ..

( يواصل العمل في القرية بالفك ) .

**جميل** : مالك ؟

**طرزان** : مالى ايه ؟ . ولا حاجة ..

**جميل** : لا ، فيه حاجة .. انا ملاحظ انك مش بتكتك ..

**طرزان** : ( يتهد في تعاسة ) .. طلع ان الطريقة دى كمان ،  
مش نافعة ..

**جميل** : ازاي ؟

**ابو علوة** : النوتة اللي كنت باسجل فيها عدد التكتكات كل  
يوم ، ضاعت .. قلبت عليها البيت مش لاقياها ..

**جميل** : ضاعت يعنى ايه ؟ اتسرقت ؟ والا تايهة كده  
والا كده ..

**طرزان** : ما عرفش ..

**جميل** : والحل ؟

**طرزان** : ما عرفش ..

**جميل** : خطر قوى الكلام ده .. انت لو فقدت وعيك بالزمن ،  
حاتفقد وعيك بالحياة نفسها .. وتضيع ..

**طرزان** : ( في قمة الياس ) عاوزنى اعمل ايه ؟

**جميل** : تعمل زيبى .. انا قررت الهرب .. حناروح  
هناك .. ( بقرية في صدق ) .. فيه هناك نتائج ،  
ونوت ، وأجندات ، وساعات ودقايق وثواني ..  
ده انت ممكن هناك تسأل اى حد الساعة كام ،  
يقول لك على طول ، بكل بساطة ..

**طرزان** : ( مذهولاً ) معقول الكلام ده ؟ !

**جميل** : اقسام بشرى ، اللي باقوله لك حقيقى .. انا  
ماليش مصلحة في انى اخدمك او اكلمك عليك ..

يا راجل ده فيه هناك رقم معين في التليفون ..  
لما تطلبه ترد عليك واحدة .. تقول لك الساعة  
والدقيقة والثانية .. الجماعة هنا بيخدمونا ..  
وحدة القياس مش هي النفس .. مش هي الشهيق  
والزفير .. وحدة القياس هي الثانية .. بل  
أجزاء من الثانية ..

( وكأنه اتنبه فجأة لرائحة غريبة تبعث من جميل ) .

**طرزان** : كولونيا غريبة قوى اللي انت حاططها .. حريمى  
دى والا رجالى ؟

**جميل** : أنا ما باحطش كولونيا ..

**طرزان** : لا .. بتحط كولونيا .. نفس الكولونيا اللي  
بتستخدمها الدكتورة حياة ، أنا أقدر أشم ريحة  
أى حد على بعد مئات الأمتار .. ( يتشمم جسمه )  
وتقريباً حاططها على جسمك كله ..

**جميل** : ( فى ارتياح ) .. أنت أثبت لى دلوقت ، أنك طرزان  
فعلاً .. وأثبت لى أن مش بيتهبالى حاجة .. وانى  
فى كامل وعيى .. وأن كل اللي بيحصل لى ..  
بيحصل لى فعلاً ..

( طرزان يتفخ فى القرعة ) .

**طرزان** : الحمد لله .. الترموستات بيشتغل كويس  
دلوقت .. كان بينفس جامد ..

**جميل** : ( بحماس غاضب ) .. ترموستات ايه وبتاع ايه  
وسعة صدر ايه يا طرزان ؟ انت طرزان .. انت

صديق الأسود والفيلة .. صديق النسور .. انت  
عدو التعالب والذئاب والتعابين والحدايات ..  
حماية الأسود كانت مشروعك يا طرزان .. انت  
سبع يا طرزان .. سبع حقيقى ..

( تدخل حياة ، تنظر لجميل فى ريبة فتغير لهجته  
على اللور ) .

**جميل** : طبعا سبع حقيقى ما فيش حد فى الدنيا يعرف  
ينفخ بالطريقة دى الا راجل سبع .. ( يراقب  
عدادات القرية ) .. هايل ، مدهش .. استمر ..

( فى نفس الوقت ، تيسر يدخل ويأخذ مكانه امام  
شاشات الكمبيوتر ، المجموعة تدخل وتتخذ أماكنها ، القرب  
تنزل ) .

**تيسر** : وضع الاستعداد .. استعد ..  
( يحتمنون القرب ) .

**تيسر** : حاندخل على اشارة من ايدى .. شهيق ..  
( باشارة من يده ) .. زفير ..  
( يبدؤون فى العمل ) .

**تيسر** : حافظ على الإيقاع .. حافظ على الإيقاع ..  
أحسن .. أحسن .. قوى .. عبد اللطيف يعمل  
أرقام معجزة .. هايل يا عبد اللطيف ... أداء  
رائع .. استمر .. أنت على وشك تاخذ  
الموافقة .. على وشك تبقى خمسة آلاف ..  
س .. س .. ودى أعلى سعة صدرية فى تاريخ  
الهيئة .. كل الناس تتوقف وتشوف المعجزة ..

( يتوقفون ما عدا طرزان ، ترتفع القرب الخاصة بهم الى سقف المسرح ، يتجمعون في نصف دائرة حول طرزان ، ينظرون اليه مبهوتين .. بينما هو مستمر في الشهيق والزفير ) .

**تيسير** : أربعة آلاف وتسعمائة خمسة وتسعين .... ستة وتسعين ..

( طرزان في منتهى الاجهاد ، ولكنه يقاوم بكل قوته ليواصل التفخ في القرية ) .

..... سبعة وتسعين ..

( بدأت ساقاه تخونانه ) .

**تيسير** : .... ثمانية وتسعين .. كمل .. حتاخذ الموافقة

على مشروعك .. بدأت الموافقة تظهر عندي على الشاشة .. مشروعك هو .. الحفاظ على الأسود وعدم تحويلها الى ارناب .. .. .  
تسعة وتسعين .. ( مهللا ) خمسة آلاف سي .. سي .. مبروك .. مبروك .. مبروك ..  
( مع النفس الاخير يكون طرزان قد رقد تماما على الأرض محتفنا قربته ، جميل يسرع اليه ) .

**جميل** : طرزان .. طرزان .. طرزان .. طرزان ..

( لا رد فعل على المجموعة من اى نوع ، بعضهم يعتمد بجميل حيث يطس على الأرض في مقدمة المسرح ، آخرون ، يحملون طرزان الى الخارج ثم يعودون ، جزء من الكاونتر ينفصل ليتحول الى منصة صغيرة ، تفخ خلفها حياة وتيسير المجموعة تتجمع جالسة على الأرض امام المنصة ، تيسير يخرج ورقتي فولسكاب من الكمبيوتر ، يعطى احداها الى حياة .. يبدأ حفل التابن ) .

**تيسير** : فقدنا اليوم رجلا من اعظم النافخين في القرب ..

**حياة** : فقدنا اليوم رجلا ، حرص على اداء واجبه حتى النفس الاخير ..

**تيسير** : فقدنا اليوم رجلا ، يضرب به المثل في سعة الصدر وطول البال ..

**حياة** : ان درجات السعة الصدرية ، التي حصل عليها .. لم يحصل عليها احد من قبل ..

**تيسير** : ومن الصعب ان يحصل عليها احد فيما بعد ..

**حياة** : اننا ندعو الى الله سبحانه وتعالى .. ان يكتب لنا نفس المصير ..

**الجميع** : آمين ...

( جميل ينهض صائحا في غضب ) .

**جميل** : لا ، لا .. انا لا .. لحظة واحدة من فضلكم ..

انا ماجيتش هنا للحصول على موافقة على العدم .. انا جيت هنا للحصول على موافقة على صنع الحياة .. واضح اني جيت المكان الغلط .. اسمعوا لي اقول لحضراتكم بوضوح شديد .. ان اللي بيحصل لنا ده .. بيحصل لنا فعلا ، مش لحد تاني .. ومش تهيؤات .. وكل أجهزة الكمبيوتر دي .. وكل العدادات والأزرار .. تظل عاجزة عن اخفاء حقيقة واضحة وضوح الشمس .. انا بننفيخ في قرية مقطوعة ..

( يواجه تيسير وحياة ) .

في اطار من الكذب المتساوي .. وأحيانا الكذب  
الصريح .. في خبث الثعالب ، وغدر الذئاب ..  
في بلاهة الدببة وجبن الأرناب ، يبتسطب الماضي ،  
ويضيع الحاضر ويتلاشى المستقبل .. يتسرق  
مننا الزمن .. الثروة الوحيدة على الأرض ..  
لأن من غيره لا يمكن عمل أى شيء .. يتسرق  
مننا حياتنا .. أعمارنا .. ( يفقد تماسكه وينهار  
صارخا في ألم ) .. يا لصوص الأعمار .. يا لصوص  
الأعمار .. يا لصوص الأعمار ..

( لا رد فصل على الجموسة التي تنظر وكان الامر  
لا يضيها ) .

**حياة** : خلصت كلامك ؟ أنا مقدره حالة الحزن اللي انت  
فيها لوفاة صديقك ..

**تيسير** : لكن ده ما يدلكش الحق انك تتناول علينا ..  
وتتهمنا في شرفنا المهني والوظيفي ..

**حياة** : انت هنا بمحض اختيارك .. وبكامل ارادتك ..  
عاوز تمشي ، اتفضل ، وربنا عرض ؟ كفافك ..  
اسمعوا يا حضرات ، لا أحد مرغم على البقاء هنا .  
اللي عاوز يمشي ، يتفضل يمشي ..

**تيسير** : احنا ما ضربناش حد على ايده ..  
( ابو علوة يتنهض والفنا على الفور ويقرب من  
جميل ) .

**أبو علوة** : جميل .. أنا فكرت وقررت .. حانروح نزرع  
شجرة .. حصلنى على البوابة ..

( ابو علوة يخرج من المسرح ) .

**حياة** : ومع ذلك واجبنا يختم علينا اننا نتحمل فورات  
غضبك ..

**تيسير** : وملتزمين بامطالك الموافقة على مشروعك ..

**حياة** : ومش انت لوحدك ..

**تيسير** : انت وافراد أسرتك ..

**جميل** : افراد أسرتي ؟ .. مين في أسرتي ؟

( حياة تنادى على اشخاص في الكواليس ) .

أسرة عبد الحق .. اتفضلوا ..

( يدخل شابان وفتاة ) .

**حياة** : تعرفهم ؟ .. دقق في ملامحهم .. عادل وكرم  
واحسان جميل عبد الحق .. اولادك ..

( المفاجأة نزل تفكير جميل ، يقرب من اولاده متفرسا  
في وجوههم ) .

**جميل** : عادل ؟ خدت الثانوية العامة ؟

**عادل** : بابا .. أنا خدت الدكتوراه من خمس سنين ..

**جميل** : جايبين تعملوا هنا ايد ؟

**كرم** : عندنا مشروع ..

( تيسير يجلس الى شاشة الكمبيوتر )

**تيسير** : وضع الاستعداد .. استعد ..

( تنزل القرب ، كل يعتنق فرسته ، ما عدا جميل  
اللى يبدو ان مائة عام قد احييت انى عمره لى لحظة ) .

**تيسير :** حاندخل على اشارة من ايدى .. شهيق ..  
( يرفع ذراعه لأعلى ) ادخل .. زفير .. شهيق ..  
زفير ..

( جميل عاجز عن انضال قرار ، تمر لحظات ،  
قربته تنزل امامه ، بينما هو ياخذ مكانه بجوار اولاده ،  
يعتسها ويبدأ لى التبخ ) .

**تيسير :** أهم شء هو المحافظة على ايقاع العمل ، شهيق ..  
زفير .. مدهش .. الباشمهندس جميل بدأ يحقق  
درجات سعة الصدر اللازمة للحصول على  
الموافقة .. استمر .. احسن .. الف وربعمائة  
خمسة وتسعين .. ستة وتسعين .. سبعة  
وتسعين ..

( بينما تنزل ... )

**السستار**

مطابع الهيئة المصرية العامة للكتاب

**:: سحر الليل :: ليلاس ::**  
[www.liilas.com/vb3](http://www.liilas.com/vb3)

رقم الايداع بدار الكتب ٧٧٨٦ / ١٩٩٧

I.S.B.N 977 - 01 - 5269 - 2